



UNIVERSITÄTS-
BIBLIOTHEK
PADERBORN

Universitätsbibliothek Paderborn

Opuscula Petri De Marca Archiepiscopi Parisiensis

Marca, Pierre de

Parisiis, 1681

IV. De discriminе clericorum & laicorum ex jure divino, & de forma
regiminis à Christo instituta in Ecclesia.

urn:nbn:de:hbz:466:1-14704

gia deleri debet , vel potius cauterio iniuri ; quia primatum , quem in regimine universalis Ecclesiæ solus Petrus obtinuit ex ore ipso Christi , per indebitam comparationem cum primatu Pauli , qui versabatur in solo ecclesiasticæ institutionis magisterio , ut loquitur Maximus Taurinensis , penitus labefactat .

Quare non solum à traditione antiquorum patrum alienam , sed etiam juri divino contrariam propositionem illam censeo .

D I S S E R T A T I O

De discrimine clericorum & laicorum ex jure divino , & de forma regiminis à Christo instituta in Ecclesia .

C A P V T P R I M V M .

I. **E**CCLESIÆ Christianæ corpus in duas præcipuas partes ab antiquis divisum fuit , in clericos scilicet atque laicos . Nec dubitandum puto quin hæc nomina , Græcæ cùm sint originis , ab ipsis Apostolorum temporibus ex Græcarum scripturarum usu inducta fuerint . Eorum mentio frequens in canonibus apostolicis , quoruim vetustas & auctoritas in

oriente commendata est. Germanæ Ignatii Antiocheni epistolæ quas Vossius edit è codice Florentino, in hoc capite ab aliis editionibus non diversæ, clericorum & laicorum vocibus utuntur; quemadmodum & Origenes tum alibi, tum in loco qui prolatus est hoc capite. Recepta fuit in occidente Græcanica isthæc appellatio; ut patet ex Tertulliano, cuius testimonia expendentur capite sequenti. Vnde facile fuit Cypriano admissum à decessoribus suis clericorum nomen frequentare, ut facit epist. xxxiii. lxvi. & alibi. Nicænæ synodi auctoritate firmatus deinde harum vocum usus in posteros manavit. Clericos habes in canone secundo, & laicos in quinto. Quam clericorum appellationem iis passim tributam ætate sua qui ministrorum vicem implebant in Ecclesia catholica adnotavit Constantinus M. apud Eusebium lib. x. hist. cap. vii.

II. Ea Christiani nominis distinctio, verbis originis Græcae significata, ut levem fortè in laici explicatione difficultatem preferat, sic operosam & non contemnendam in clericorum nomenclatura discutienda. Sed antequam hoc aggrediamur, proponenda est quæ veteribus placuit clericorum definitio. Constantinus Imp. in l. ii. Cod. Theodos. De Episc. &

74 Cler. sic illos explicat : *Qui divino cultui ministeria religionis impendant.* In rescripto ejusdem Principis ad Anulinum eadem sententia exprimitur his verbis :

*Apud Eu-
seb. lib. 10.
hist. c. 7.*

Quare eos qui in provincia tuae fidei concredita, in Ecclesia catholica cui Cæcilianus præfet, huic sanctæ religioni sedulò inserviunt, quos clericos nominare solent, ab omnibus omnino communibus & civilibus reip. ministeriis immunes ac solutos volo. Veræ nominum istorum origines intelligi poterunt, tum ex antiquorum interpretatione, tum ex nostra. Sed priùs aliqua in anteceßum præmittenda sunt.

III. Solenne fuit olim agros devictarum gentium inter duces atque milites victoris exercitus sorte jacta partiri. Vnde factum ut agri portio illa quæ cuique sortitò contingebat, $\chi\lambda\pi\eta\varsigma$ sive fors dicetur. Quare quando terræ illius Chananæ à Deo posteris Abrahami promissæ partio instituta est inter duodecim tribus, ut tota illa divisio $\chi\lambda\pi\chi\varsigma$ dicta est apud septuaginta interpretes, sic quæ singulis familiis pars agri forte obtigit, $\chi\lambda\pi\eta\varsigma$ sive fors dicta est. Eadem ratione quæ singulis Lacedæmoniorum civibus agri Laconici portio à Lycurgo assignata est, $\chi\lambda\pi\eta\varsigma$ dictam fuisse Plutarchus adnotavit. Illud idem nomen obtinuit apud Athenienses

quæ unicuique è civibus pars agri mancupii jure possidenda per legem agrariam tributa est, ut observat Aristoteles. Quo exemplo quas à devictis populis eruptas agrorum partes victores Vandali in se transtulerunt, sortes five κλήρως Vandalorum dictas docuit Procopius.

IV. Verum ut omissis exterarum gentium moribus, ad Iudæorum instituta redeamus, unde loquendi usus ad Christianos derivatus est, satis nota sunt apud septuaginta interpretes loca illa scripturarum in quibus cleri significatio singulorum civium hereditatem & soli possessionem demonstrat. Inter cetera, Geneeos cap. XLIX. Issachar dicitur *requiescens inter clerós*, id est, tranquille in patrimonii sui possessione degens. Sic *Iudicum* v. Debbora indignationem suam adversus Rubenitas exprimens quod à pugna se subducerent, lares suos colendo, neglecta publicæ rei cura, *Quare, inquit, habitas inter duos clerós ne audias sibilos gregum?* Ex qua loquendi formula explicandus est vexatus ille variis eruditorum interpretationibus psalmi Davidici LXVII. locus: *Si dormiatis inter medios clerós, pennæ columbæ deargentatae, & posteriora dorsi ejus in pallore auri.* Significat enim tam sollicitam fore Dei pro Israëlitici po-

puli tuitione curam ut tranquillè intra patrimonii quisque sui terminos securus conquiescere possit, statu rerum suarum adeo florente ut non cedat splendori candentis columbæ, quæ cum ipso fulgore argenti & auri contendit. Possent plura hujus significationis testimonia adduci, ni satius esset progredi ad ulteriora.

V. Diximus divisam fuisse regionem Chananaäm duodecim tribubus, relicta Levitica tribu absque ulla agri assignatione. Verumtamen cùm Deus illam sui cultus ministerio reservasset, se ipsum illius sortem $\kappa\lambda\eta\pi\sigma\tau$ atque hereditatem fore pronuntiavit Numer. xviii. & Deuteron. xxi. Quare ut Levitici generis familiæ haberent unde se commodè exhibere possent, decimas frugum à reliquis tribubus Deo pendendas, unā cum victimarum partibus, illis delegavit Deus. Itaque & jura illi ut domino à populo Israëlitico debita fuerunt pro forte & hereditate Leviticæ tribus. Vnde profectus est ille loquendi modus apud Davidem psal. xv. qui licet ex alia tribu, eò quod eximie & præ ceteris divino cultui se devovisset, Deum agnoscit ut hereditatis suæ partem, *Dominus pars hereditatis meæ*, ac si esset per spiritum ex Levitica tribu. Ad illud exemplum tum Leviticæ tribus, tum pio-

rum hominum, qui apud Christianos di-
vinis ministeriis erant specialiter manci-
pati, Dominum sibi pro sorte & clero
agnoscendum profitebantur. unde clerici
dicti. Hæc interpretatio hausta est ex Hie-
ronymo in epistola ad Nepotianum: *Igi-*
tur clericus, qui Christi servit Ecclesiæ, in-
terpretur primò vocabulum suum, & no-
minis definitione prolata, nitatur esse quod
dicitur. Si enim κληρος Græcè, sors Latini-
nè appellatur, propterea vocantur clerici,
vel quia de sorte sunt Domini, vel quia
ipse Dominus sors id est pars clericorum est.
Qui autem vel ipse pars Domini est, vel
Dominum partem habet, talem se exhibere
debet ut & ipse possideat Dominum, & pos-
ssideatur à Domino. Qui Dominum possidet,
& cum propheta dicit, Pars mea Domi-
nus, nihil extra Dominum habere potest.
Quod si quipiam aliud habuerit præter
Dominum, pars ejus non erit Dominus. ver-
bi gratia, si aurum, si argentum, si pos-
sessiones, si variam supellec̄tilem, cum istis
partibus Dominus pars ejus fieri non digna-
bitur. Si autem ego pars Domini sum &
funiculus hereditatis ejus, nec accipio par-
tem inter ceteras tribus, sed quasi Levita
& sacerdos vivo de decimis, & altari ser-
viens, altaris oblatione sustentor, habens
victum & vestitum, his contentus ero, &

nudam crucem nudus sequar. Ex quo Hieronymi loco docemur clericorum Ecclesiae inde nomen ductum quod Dominus sit eorum pars, eò quod se illius cultui manciparunt, ut jam monui. Quod autem inde colligit illos ex eo jus quæsitum habere ex decimis & ex altari vivendi, atque adeo necessum esse ut his sint contenti, confirmatum quoque est canonibus Carthaginensibus & ab Augustino, aliisque à patribus traditum. qua de re alibi.

V I. Isidorus Hispalensis ad originationem ab Hieronymo prolatam aliam adjungit lib. vii. origin. cap. xii. clericos nempe dictos quod Matthias primus ab Apostolis sorte adlectus sit in ecclesiasticum ordinem. quod ex Augustino mutuatus est in psal. L X V I I. Cleros & clericos hinc appellatos puto qui sunt in ecclesiastici ministerii gradibus ordinati, quia Matthias sorte electus est, quem primum per Apostolos legimus ordinatum. Id sanè nominis etymon frigidum videri posset, nisi observatione sequenti adjuvetur, quæ docebit ex sortitione Matthei non ineleganter trahi posse clericorum originem. Sed alio tramite ducenda est quam factum fuit hactenus. Certum est Actor. cap. i. jactas sortes ut Deus consilium suum

aperiret quis è duobus Barsaba & Mat-
thia in Iudæ quondam Apostoli locum
cooptandus esset , sorteque Matthiæ
contigisse. Dubium non est quin fors ista
peracta fuerit more illo qui usurpatus fue-
rat in terræ divisione. Conjecta sunt sci-
licet in urnam duorum nomina schedis
inscripta , atque in alteram urnam binæ
schedæ immisæ ; quarum altera vacua ,
altera nomine *Apostolus* inscripta. Eductis
deinde ex utraque urna binis schedis , no-
men Matthiæ cum nomine apostolatus
emersit . quod his verbis Lucas significat :
Cecidit fors super Matthiam, ἐπευστὴν οὐκληῆς.
Ad eum modum David sacerdotum fun-
ctiones forte distribuerat i. *Paralip.* xxiv.
Quare sacerdotes forte illa destinatos Iose-
phus vocat *ἀνθρωποὺς δὲ χερεψίς*. Quod enim
Dei ministerium adtingebat , illius judi-
cio per sortes jactas committi congruum
esse videbatur. Qui sensus etiam genti-
lium animis insederat , ut patet ex Plato-
ne sexto de legibus ; qui docet illa quæ ad
sacra pertinent , Dei sorti & divinæ for-
tunæ , *τείχα τύχη* , permittenda esse. Itaque
fors illa in Matthia pro divini numinis ju-
dicio sumitur. Porro Dei gratia & judi-
cio clericos ad Christianam Ecclesiam ad-
legendos pro divini cultus ministerio do-
cent confertim veteres ; atque in eo syna-

gogæ & Levitici generis cum Ecclesia ca-
tholica & ejus ministris constituunt dis-
crimen. Augustinus : Deus non ex genere
carnis & sanguinis, sicut erat primum secun-
dum ordinem Aaron, sed sicut oportebat in
testamento novo, ubi secundum ordinem Mel-
chisedech summus sacerdos est Christus, pro-
cujsque merito quod in eo divina gratia
contulerit, Levitas & sacerdotes eligit.
Scriptor sermonis de unctione chrismatis
inter opera Cypriani : Nec sunt heredita-
riæ successiones Pontificum, vel uni Levi-
ticæ tribui ministeria assignata, sed de om-
ni tribu, gente, & lingua, quos dignos &
idoneos divina probat electio, secundum vi-
tae, non generis, meritum statuit sacerdotes.
Quod elegantissimis verbis Leo I. signifi-
cat sermone secundo in die anniversario
assumptionis suæ. Cum hujus divini sa-
cerdotii sacramentum etiam ad humanas per-
venit functiones, non per generationum tra-
mitem currit, nec quod caro & sanguis crea-
vit elititur, sed cestante privilegio patrum,
& familiarum ordine praetermisso, eos re-
tore Ecclesia accipit quos spiritus sanctus
præparavit, ut in populo adoptionis Dei,
cujus universitas sacerdotalis atque regalis
est, non prærogativa terrenæ originis obti-
neat unctionem, sed dignatio cœlestis gra-
tia gignat antistitem. Quare de clericis
exemplo

exemplo Matthiae dici poterit, eos iudicio Dei ad ministerium assumptos, sortem sive κλησιν super eos cecidisse, atque adeo recte clericorum nomen illis inditum.

VII. Attamen, ut verum fatear, ex ipsis scripturæ verbis petenda est, absque ullis conjecturarum anfractibus, clerici nominis origo. Κλῆσις non solùm significat res soli hereditarias, ut monuimus, sed quicquid alicui obvenit, sive munus aut functio publica ad quam se aliquis adjungit, in qua à reliquis secernitur. Vnde duo harum sortium genera inveniuntur in scriptura, sortes sanctorum, quæ pertinent ad omnes Christianos, qui ex speciali veri Dei cultu à paganis distinguntur, ut cap. I. epistolæ ad Colossenses: ἐν χριστῷ τοῦ Ιησοῦ καὶ πατεῖ, τῷ ικανώστερῷ ήμας εἰς τὴν μετάδον τοῦ Ιησοῦ τὸν αγίων στὸν φωτί. Pars sortis sanctorum in luce sunt Christiani, qui lucem habent comitem, in quo differre eos à Iudeis insinuat Apostolus: qui quidem pars quoque sortis erant à gentilibus segregati, ut significatur Deuteronomio. XXXI. Sed immersi erant tenebris post promulgatum evangelium.

VIII. Eodem sensu explicandus est Petri Apostoli locus I. Pet. v. non dominantes in cleris, ὡς μὴ κατακυρεύοντες τὸν χρήματα, ἀλλα τύποι γνόμενοι τὸν μνισκού. Mo-

F

net enim Ecclesiæ rectores ut fidelium gregem placidè regant, nec dominandi fastu in eos turgeant, sed se ipsos in vitæ emendatæ exemplum præbeant. Quare cleri hoc loco gregem universum Christianorum significant, non autem solum clericorum ordinem; quamvis ad eos quoque specialiter accommodari possit, qui sunt pars præcipua gregis sive cleri. Vnde ad clericos hunc locum transtulerunt veteres nonnulli. Oecumenius: Κλῆσις ἡ πολιτεία σύγκριτα καλεῖ ὁμοερνήσις.

I X. Sed alia est *sors ministerii*, qua solos clericos respicit, & unde illis nomen est datum. Ejus mentio conceptis verbis habetur Actor. cap. i. ubi de substituendo in Iudæ locum locum aliquo agit Petrus. Ait quippe proditorem illum obtinuisse munus apostolatus, ἔλαχε τὸν κλῆσιν τὰς ταύτας; quam deinde ex Davidis psalmo juxta lxx. interpretes ἐπισκοπὴν id est episcopatum vocat. Sors ergo sive κλῆσι ministerii pertinet ad pastores eorumque ministros, quemadmodum sors sanctorum omnes Christianos complectitur. Videtur autem Lucas nomen illud κλῆσιν ad ministerium Ecclesiæ significandum usurpare, ductus auctoritate lxx. quos sequitur dum laudat veteris testamenti loca. Etenim Hieremias cap. xii. ubi Iudaicos

pastores ob negligentiam carpit, adjungit
minas: οἱ κληροὶ αὐτὸς οὐκ ὀφελήσουσιν αὐ-
τοῖς, cleri eorum non proderunt illis. ac si
diceret munus illud publicum, quo à ce-
teris secernuntur, non eis profuturum ut
se à pœnis commeritis subducant. Sanè
veteres verba illa Hieremiæ, ob mune-
rum similitudinem à Iudæo ministerio
translata, corpori & ordini clericorum
Ecclesiæ Christianæ accommodant. Ori-
genes homilia septima in Hieremiam:
*Hæc ante me alij exposuerunt. Et quia non
improbo interpretationem eorum, consentiens
eandem profero. Nos qui putamur aliquid
esse, id est, qui in clericatus vobis ordine
præsidemus, in tantum ut quidam de mi-
nori gradu ad hunc locum cupiant perveni-
re, nosse debetis non statim in eo salvандos
quia clerici sumus. Multi enim & Presby-
teri pereunt, & laici beatissimi reperiuntur.*
Epiphanius in epistola ad Ioannem Hic-
rosolymitarum: *Oportebat nos, dilectissime,
clericatus honore non abuti in superbiam,
sed custodia mandatorum Dei & observa-
tione diligentissima hoc esse quod dicimur. Si
enim sancta scriptura loquitur, cleri eorum
non proderunt eis, que arrogantia clerica-
tus conducere nobis poterit, qui non solum
cogitatione & sensu, sed etiam sermone pec-
camus. Hieronymus quoque in commen-*

F ij

tario hujus loci : *Dicitur hoc & Ecclesiasticis. Quid enim eos juvare poterit Episcopi nomen & Presbyteri vel reliquus ordo ecclesiasticus, cum magis graventur dignitatibus suis, & potentes potenter tormenta patiuntur?*

X. Occasione hujus loci prætermittendum non est , ab Hieronymo , non solum isthic , sed in commentarijs quoque ad Oseam & Abdiam , sacerdotes aliosque ministros vocari Ecclesiasticos. Ambrosio quoque tributus commentarius eadem voce utitur , tum in prima ad Timoth. cap. vi . tum in secunda cap. ii . *Ecclesiasticus* , inquit , *idcirco Deo se probat ut huic devotus officium impleat quod spondit , in Dei rebus sollicitus , à seculari negotio alienus.* Cujus appellationis causa non est inquirenda subtilius , quod ipsamet se prodat ex vocabuli prolatione ; nempe quia clerici ministeriis Ecclesie sunt addicti , sicut Palatini dicuntur in Codice qui militant in palatio. Si quis tamen aliquid sublimius sapere velit , poterit nomen istud arcessere ex loco Pauli ad Hebræos cap. xii . ubi Apostolorum collegium fide & animo , quamvis non loco , conjunctorum vocat Ecclesiam primitivorum. Conversos enim Iudeos ait per fidem accessisse ad montem Sion

& cœlestem Hierusalem , ad conventum angelorum , & ad Ecclesiam primitivo- rum sive primogenitorum , qui sunt descripti in cœlis. Rectè de Apostolis hunc locum explicat Ambrosius : qui quidem cùm primitias spiritus habuerint , (ut lo- quitur idem Paulus *Rom. viii.*) dicun- tur *πρωτότοκοι* sive primitivi juxta Latini- num interpretem , id est , primi per Chri- stum regeniti. Eorum autem nomina , etiam cùm viverent , descripta erant in cælo sive recensita in albo civium cœ- lestium ob jus civitatis illius adipiscen- dæ , quemadmodum primogeniti Israeli- tarum scripti erant in matricula & libro censuali civitatis suæ *Num. c. i.* Quare cùm Episcopi succedant Apostolis , illo- rum corpus , adjunctis quoque ministris inferioris gradus , Ecclesia dici poterit eleganter ex auctoritate scripturarum , ut vulgò quoque vox illa usurpatur , & viri ipsi poterunt Ecclesiastici nuncupari jux- ta veterem usum quem secuti sunt Hie- ronymus & Ambrosius.


XI. Reliqua pars Ecclesiæ à Cleri- cis distincta laicorum nomine compre- henditur , ut dixi , honesto quidem illo , non autem humili & abjecto , ut blaterant hæretici , quò haç quoque in re de fastu clericorum conquerendi occasionem cap-

F iiij

tent. Laici dicuntur λαος. Porro
hac dictione significatur in scripturis ex
versione LXX. populus Dei , quem ille
sibi peculiarem & hereditarium fecit, se-
gregatum à colluvie gentium , synagogæ
temporibus primùm, sed excellentiū post
evangelium promulgatum.

XII. Quare clerici erunt in Ecclesia
pars quidem populi illius selecti, sed præ-
cipua , utpote quibus regendæ Eccle-
siæ post Episcopos & ministros inferio-
res cura concredita est. Laici verò con-
stituent alteram populi Christiani par-
tem sub nomine generali λαος. Simile
discrimen reperies in civitatibus Roma-
nis ; quæ duabus partibus constare dicun-
tur , ordine & plebe. Ordo significat Du-
umviros aliosque magistratus municipa-
les & Decuriones. Plebis autem nomi-
ne reliquus civitatis populus designatur.
Quare eleganter istud loquendi genus è
foro transtulit in Ecclesiam Tertullianus ;
qui quos uno in loco clerum & laicos ,
altero ordinem & plebem vocat. Diffe-
rentiam inter ordinem & plebem constituit
Ecclesiæ auctoritas , & honor per ordinis
confessum sanctificatus.

*Tertull. c. 7.
de exhort.
caſtit.*



CAPVT SECUNDVM.

I. **Q**VIN discreta sint munia populi & cleri divini juris auctoritate nemini dubium esse potest qui sobria mente scripturas sacras perlegerit. Vetus testamentum sacra omnia & legis interpretationem à Deo Leviticæ tribui reservata docet *Exod. xiiii.* & passim, interdicta reliquis tribubus sacrificiorum functione. quod abundè testantur Core, Dathan, & Abiron terræ hiatu absorpti quòd ad hujus communionem functionis cum Aaronidis aspirarent *Numer. xvii.* & Ozias lepra percussus quòd se sacrificijs obcundis immiscuisset. Munus enim sacrorum ut ante legem Mosis ad primogenitos familiarum pertinebat, ita deinceps ad tribum Levi solam ex Dei jussu concessit. Nemo enim sibi honorem assuebat, sed qui vocatus erat à Deo tamquam Aaron; ut loquitur Paulus capite quinto ad Hebræos. Quo exemplo evangelii quoque status id exigebat ut quemadmodum non solvendæ legis sed impletæ causa promulgabatur, sacrorum rituum institutorum à Christo ministros atque eosdem perfectioris novæque doctrinæ magistros in Ecclesia constitueret.

F iiii

Quod prudenter ille ac divino consilio perfecit, Apostolos feligendo, quibus regendæ Ecclesiæ munus concredidit, ut infrà uberiùs docebimus. Porrò quantumpere à reliquis è populo Christiano secreti illi essent, Pauli verba demonstrant in capite primo epistolæ ad Romanos. Statim enim atque se Apostolum nominavit, adjungit, *segregatus in evangelium Dei, ἀφωεισμένος.* Etenim sicut Deus populum Israel dicitur, *ἀφωείσαι,* secrevit à reliquis populis *Levit.* x x. Paulum quoque apostolatus functioni addictum à reliquo populo Christiano secrevit & segregavit. Eadem locutione utitur Lucas *Actor.* i i i. cùm de Paulo & Barnaba solenni more mittendis spiritus sancti mandata refert: *Segregate mihi Saulum & Barnabam in opus ad quod assumpsi eos.* Tuncque jejunantes & orantes, imponentes que eis manus, dimiserunt eos. Mysteria quippe Christianæ religionis specialiter Apostolis, neque verò alijs, à Deo commissa sunt, teste Paulo i. ad Cor. iv. *Sic nos existimet homo ut ministros Dei & dispensatores mysteriorum Christi.* Quæ potestas deinde communicata est à spiritu sancto solis Episcopis, quos Apostoli institutionis à se Ecclesiis præfecerunt, ut docet Lucas *Actor.* 20. *Attendite vobis &*

*universo gregi in quo vos constituit spiritus
sanctus Episcopos regere Ecclesiam Dei.*

I I. Hoc discrimen Ecclesiæ ministro-
rum à reliquis Ecclesiæ membris à Deo
profectum conceptis verbis docet Pau-
lus in epistola prima ad Corinthios cap.
xii. Quamvis enim Ecclesiæ sit unum
corpus eodem spiritu vegetatum , varijs
tamen ex membris conflatur : quæ licet
mutuum inter se consensum & consortium
habeant , singula tamen membra suis quæ-
quæ officijs destinata sunt , ut eleganter
demonstrat Paulus. Deinde subjungit ,
posito illo membrorum discrimine : *Quos-
dam quidem posuit Deus in Ecclesia primūm
Apostolos , secundò Prophetas , tertio Docto-
res &c.* Mox : *Numquid omnes Apostoli ,
numquid omnes Prophetæ , numquid omnes
Doctores ?* Eandem doctrinam ponit in
epistola ad Ephesios cap. iv. & insti-
tuendæ in Ecclesiæ hujus potestatis cau-
sam exponit , similitudine corporis huma-
ni Ecclesiam significans. Nempe Aposto-
lis & alijs pastoribus atque magistris in-
junctum docet opus ministerij , ut fide-
les erudiant , Ecclesiam , quæ Christi cor-
pus est , ædificantes , donec eos in fidei
unitate & cognitione filij Dei ut viros
firmis viribus instructos perficiant , & ad
figuram ejus magnitudinis sive staturæ

quæ plenum & omnino perfectum Christi corpus decet, laboribus suis perdunt. ἡλικία, ætas, hic significat magnitudinem sive staturam, ut Matthæi sexto; & de ædificijs usurpatur, ut apud Vitruvium dicitur ætas ædificiorum. Pauli ergo verba sunt: *Et ipse dedit quosdam quidem Apostolos, quosdam autem Prophetas, alios vero Evangelistas, alios autem pastores & doctores ad consummationem sanctorum, in opus ministerij, in ædificationem corporis Christi, donec occurramus omnes in unitatem fidei & agnitionis filij Dei, in vivum perfectum, in mensuram etatis plenitudinis Christi.*

III. His addere debemus manifestum, quod discrimen istud demonstrat, argumentum, scilicet ritu quodam sacro Episcopos ab Apostolis Christum imitantibus institutos, collato spiritu sancto per impositionem manuum, qua viri selecti Dei & Ecclesiæ ministerio consecrabantur. Testis Paulus in secunda epistola ad Timotheum cap. 1. *Admoneo te ut resuscites gratiam Dei quæ est in te per impositionem manuum mearum.* Επίθεοις τῷ χειρὶ Pauli, qua Deum solenniter implorabat pro Timothei sacra inauguratione, conjunctam habuit gratiam, ejus nempe generis per quam velut igne divino suscitatam conf-

tanter & absque timore ullo in fide & dilectione permanere poterat & alios in officio retinere ; ut patet ex sequentibus verbis epistolæ. Meminit quoque ejusdem gratiæ Timotheo in ordinatione collatæ i. ad Timoth. cap. i v. *Noli negligere gratiam quæ in te est, quæ tibi data est per prophetiam cum impositione manuum presbyterij.* Paulus quidem manus imposuerat , sed adjuncto Presbyterorum cœtu , qui ad testandum assensum manus suas cum Episcopo conjungebant. Porrò data fuerat gratia Timotheo , spiritu Dei Paulum & alios excitante ut illum in ordinem ecclesiasticum adlegerent , quemadmodum admonuit Paulus capite primo hujus epistolæ. quò respiciunt verba *per prophetiam* , quæ habentur hoc capite quarto ; nempe præsignificatum fuisse per aliorum prophetiam manus consecrationis datum iri Timotheo. Etenim cùm divinum , & non humanum, esset quod Episcopis munus conferebatur, apostolicis illis temporibus Dei monitu & sancti spiritus interiori instinctu sacerdotes ordinandi designabantur , ut rectè observavit Chrysostomus ad caput illud primum. *Τότε γέ επει οὐδὲν αὐθόπινον ἐγένετο, οὐ δέ ποτε φρητίας ἐγένοντο οἱ ιερᾶς.* Theophylactus : *τὸ παλαιὸν δέ ποτε φρητίας ἐγένοντο οἱ*

ιερεῖς, τούτουν δὲ πνεύματος ἀγίου. Sive τὰ πνεύματα διπλάνυψι, ut explicat Oecumenius. Quare veteres ordinationem inter sacramenta recensuerunt æquè ac baptismum. Illam enim comparationem tamquam seculo suo ab omnibus receperat urget Augustinus adversus Parmenianum, ut doceat semel adeptum sacer-

Lib. 2. c. 13. dotum amitti non posse. Si enim utrumque sacramentum est, quod nemo dubitat, cur illud (baptismi) non amittitur, & illud (ordinationis) amittitur? Neutri sacramento injuria facienda est.

IV. Sed cum nulla sit Christiani pars dogmatis tam firmiter constituta quin homines profani eam suis insanis novitatis convellere conati fuerint, in hanc irruerunt Vualdenses haeretici & qui nostra hac ætate eorum se vestigia premere gloriantur: quorum haec est sententia, nullum esse discrimin inter laicos & clericos ex jure divino profectum, quin potius omnia laicis permissa quæ clericis, etiam quoad sacerorum ministerium. Illud autem ex eo præcipue probant quod sacerdotium sit penes fideles omnes, cum Christianus populus sit non solum gens sancta, sed etiam regale sacerdotium, ut loquitur Petrus. Cui consentit Ioannes, qui cap.

xx. Apocalypsis docet fideles à Christo

constitutos *sacerdotes & regnum*. Quæ loca
cùm ab antiquis patribus olim pertracta-
ta sint, nulla nobis molestia in eorum in-
terpretatione pertimescenda est. Vetu-
stas Christiana duplex cognovit ut sacri-
ficiorum sic sacerdotii genus , alterum
commune & laxioris ambitus , alterum
speciale & novo testamento proprium.
Prioris illius species , orationes nempe ,
beneficentiæ , & si qua ejusmodi quæ in
scripturis novi testamenti victimarum &
oblationum vocabulis continentur , cum
antiquo legis statu communes Christiano
sunt ; præter quas , proprium hujus est
sacrificium , quod inter ceteras muneric
sui functiones sacerdotibus Christianis
competit. Si quis laudes Deo fusas & pia
fidelium opera sacrificiis accenseri dubi-
tet, legat psalmos qui interpellant sacri-
ficium justitiæ & laudis aut epistolam ad
Hebræos cap. xiii. quæ docet per Chri-
stum nos offerre Deo sacrificium laudis,
τιμήσαι αὐγέσεως , scilicet fructum labiorum
quæ nomen ejus confitentur. Ea verba
cùm desumpta sint ex Oseæ cap. x i v. qui
vitulos labiorum eleganter vocat illas
gratiarum actiones , ostendunt Iudæis at-
que Christianis communes fuisse laudum
victimas. *His autem sacrificiis promeretur*
Deus , ut statim subjungit auctor epistolæ.

V. Horum ratione sacrificiorum sacerdotes sunt Christiani omnes, teste Origine homil. i x. in caput xvi. Levitici; ubi pluribus verbis sententiam illam amplificando concludit: *Si membra mea ab omni concupiscentia carnis mortificavero, si mundus mihi crucifixus sit & ego mundo, holocaustum obtuli ad altare Dei, & ipse meæ hostiæ sacerdos efficiar.* Quæ ratio fuit inducendi olim ritum unctionis in baptissimi celebratione, ut intelligerent Christiani eodem sacramento quo in filio Dei adoptabantur & Christum, qui Rex est atque Pontifex, in duebant per spiritus sancti unctionem externo signo adumbratam, regiæ quoque & sacerdotalis dignitatis esse participes. quæ utraque apud Iudæos chrisimatis unctione conferebatur. Id docuit disertè, utens superioribus Petri verbis, auctor constitutionum apostolicarum lib. iii. cap. xv. Et Origenes: *Omnes quicunque unguento sacri chrismatis delibuti sunt, sacerdotes effecti sunt; sicut & Petrus ad omnem dicit Ecclesiam.* Cui adjungemus Ambrosium lib. i v. de sacr. cap. i. qui rem in pauca egregiè contrahit: *Vnusquisque ungitur in sacerdotium, in regnum; sed spirituale regnum est & sacerdotium.* Planè quemadmodum Christiani dicuntur Reges, non propriè, sed

mysticè, idem judicium ferendum est cum antiquis patribus de sacerdotio fidelium quod adipiscuntur in baptismo. Vnde Hieronymus adversùs Luciferianos eleganter baptismum vocat sacerdotium laici.

V I. Vberiùs Augustinus enarrans locum Apocalypsis lib. xx. de civit. cap. x. Erunt sacerdotes Dei & Christi, & regnabunt cum eo mille annis, non utique de solis Episcopis & Presbyteris dictum est, qui propriè jam vocantur in Ecclesia sacerdotes; sed sicut omnes Christianos dicimus propter mysticum chrisma, sic omnes sacerdotes, quoniam membra sunt hujus sacerdotis; de quibus Apostolus Petrus, plebs, inquit, sancta, regale sacerdotium. Elegantiùs eandem explicacionem proponit Leo I. in sermone tertio de anniversario: *Omnes in Christo regeneratos crucis signum efficit Reges, sancti verò spiritus unctio consecrat sacerdotes; ut propter specialem nostri ministerii servitutem, universi spirituales & rationales Christiani agnoscant se regij generis & sacerdotalis officij esse consortes.* Rationem verò subjunxit cur Reges & Sacerdotes dicantur: *Quid enim tam regium quam subditum Deo animum corporis sui esse rectorem? Et quid tam sacerdotale quam vovere Domino conscientiam puram, & immaculatas pietatis hostias de altari cordis offerre?*

VII. Non alienum erit his adjungere , ex sacerdotij istius mystici & spirituallis dignitate fieri ut sacrificium incruentum mediatoris , quod à solis quidem sacerdotibus propriè dictis consecratur , ab Ecclesia , id est , ab universo fidelium cœtu , & Christi sponsa , quæ non habet maculam neque rugam , Deo offerri dicatur ; unde ex spiritus unitate mira fit rerum connexio , quam observavit Augustinus , ut tam ipse Christus per ipsam Ecclesiam quam ipsa per ipsum offeratur . quod singuli qui mysterijs intersunt , pro modulo suo quotidie præstare possunt , ut docent verba canonis quæ recitantur in Missa . Porro fideles non tantum eo sensu dicuntur Reges quòd motus animi sui regere possint & debeant , ut docuit Clemens Alexandrinus quinto stromateon , quemadmodum de sapiente jactabant Stoici eum solum esse Regem , sed etiam quia sunt consortes ejusdem regni cum Christo , quem induerunt in baptismo , si in vincendis cupiditatibus regios animos in hac vita gerant ; ut *si compatiuntur , & conglorificantur* . Quare concludendum est sacerdotium illud regale quod Petrus Christianis tribuit non impedire quin aliud sit verum & proprium in Ecclesia sacerdotium à mystico illo distinctum ; quemadmodum

modum in Deuteronomio cap. xix. cùm
populus dicitur regale sacerdotium, non
sequitur verum sacerdotium tribus Levi-
ticæ cum populo communicatum.

VIII. Sed unus præcipue opponitur Tertullianus, qui in libro de exhortatione cap. vii. laicos propriè sacerdotes facere videtur cum potestate offerendi & tingendi. Hæc sunt ejus verba: *Nonne & laici sacerdotes sumus?* Scriptum est: *Regnum quoque nos & sacerdotes Deo & patri suo fecit.* Differentiam inter ordinem & plebem constituit Ecclesie auctoritas, & honor per ordinis confessum sanctificatus. Adeo ubi ecclesiastici ordinis non est confessus, & offers & tinguis & sacerdos es tibi solus. Sed ubi tres, Ecclesia est, licet laici. Sic constituenta est lectio hujus loci in editione v. c. Rigaltij ex vetusto codice Agobardi. Qui Tertullianum nobis intentant, debent solum illum ab ægro & in hæresim lapsi distinguerem. Prius adversus hæreticorum novitates præscribens, & ordinationes eorum temerarias suggillans, ait eos laicis sacerdotalia munera injungere. Postea Lib. de præscript. c. 41. Montani pestifero afflatu impulsus, laicis ipsis sacerdotale munus vindicare videtur. Itaque si de ejus sententia, ut objicitur, disceptandum sit, priori admissa, secundam rejiciendam nullus dubitabit nisi hæ-

G

reticus. Quamquam si æquo jure cum illo agere velimus, exaggeratam potius in ejus verbis sententiam quam putidum illud dogma deprehendemus. Rigidæ disciplinæ seftator, eandem laicis quam sacerdotibus monogamiæ fibulam imponere contendebat. Arripiebat quascunque argumentorum occasiones ad continentiae illius probandam necessitatem, qualem sacerdotes exercebant. Ideo sacerdotium laicis asserebat cum jure tingendi & offerendi, si abesset confessus ordinis ecclesiastici, nempe in ædibus privatis. Vettitum sanè laicis baptizare, nisi necessitas extrema urgeat; ut docent ipse Tertullianus libro de baptismo cap. xvii. & Augustinus lib. ii. adversus Parmenianum cap. xxi. ea lege tamen ut si nulla cogente necessitate baptismum conferant, quamvis illicitè datus fuerit, valeat tamen, teste Augustino. Offerre vero nusquam licuit laicis, quod tamen ab ijs usurpari contendit Tertullianus. Sed iudit in ambiguo verbi. Offerre significat & corporis Christi consecrationem, quam à solis sacerdotibus propriè dictis peragi potest. Rei vero consecratæ oblatio ex usu temporis illius fieri poterat à laicis intra ædes privatas. Quippe illis licitum erat ea tempestate corpus Christi, quod

in synaxi ab Episcopo acceptum reservaverant, deferre domum, ut ex eo comunicarent ipsi cum familia, cui sumendum quoque buccellam porrigebant. Oblationem prius corporis dominici conceptis verbis paterfamilias Deo patri ad implorandam ejus opem per sacrificium mediatoris agebat. In quo partem sacerdotii exequebatur. Ac proinde cum offerret & tingeret, inde concludit Tertullianus laico, utpote sacerdoti, secundas nuptias esse interdictas. quod fusè persequitur libro de monogamia cap.

VII.

IX. Attamen probationis genus illud repellebatur à plerisque Montani sectatoribus, qui sacerdotij impropriè sumpti à vero discriminè non ignorabant, ut ipse indicat ejus libri cap. xii. *Cum extollimur, inquit, & inflamur adversus clerum, tunc unum omnes sumus, tunc omnes sacerdotes, quia sacerdotes nos Deo & patri fecit. Cum ad peræquationem disciplinæ sacerdotalis provocamur, deponimus infulas, & pares sumus.* Legendum est, impares sumus, ut hæc ultima verba prioribus respondeant. *Vnum, inquit, sumus, omnes sacerdotes.* Ergo pares. Sed quando ex illa æqualitate ad ejusdem disciplinæ de monogamia peræquationem urgemur,

G ij

tunc cedimus insulis sacerdotalibus, & impares nos agnoscimus. Tunc scilicet differentiam utriusque sacerdotij profitebantur.

X. Restat ut videamus quid significet cùm differentiam inter ordinem & plebem ait auctoritate Ecclesiæ constitutam, & honore per ordinis confessum sanctificato. In quo certum est illum servire hypothesis, ut expugnet & callidè obtineat quod sibi proposuit. Enimvero si verba in eum sensum quem præferunt explicentur, differentiam illam ab Ecclesia manantem in confessus honore ponit, dissimulata interim, quamvis non negata, alia differentia quæ ex jure divino proficiuntur. Stabant laici in Ecclesia, sedebant Episcopi & Presbyteri. Hoc est quod inductum ait Ecclesiæ auctoritate, ideoque non esse quòd externa illa specie dignitatis moveantur ne sacerdotium agnoscant in laicis. Discrimen autem illud quod in consecrandi potestate consistit egregiè dissimulat ut causæ suæ contrarium. Ex sola tingendi & offerendi potestate, quæ ab omnibus admittebatur, propositam monogamiæ necessitatem sequitur. Quod autem subjungit Tertullianus, *Vbi tres, Ecclesia est, licet laici, presumptum ex regula juris, quæ tres colle-*

gium facere dicit. Exempla autem domesticæ Ecclesiæ habentur apud Paulum, qui Ecclesiam salutat quæ erat in Aquilæ & Priscillæ domo, Nymphæ quoque sive Nymphodori Ecclesiam, & Philemonis, id est, eorum familiam, quæ Christiana erat & Ecclesiam constituebat, quoniam pars erat Ecclesiæ catholicæ. Alioqui conventiculum esset, non Ecclesia.

CAPUT TERTIUM.

De forma regiminis à Christo instituta in Ecclesia.

I. **E**CCLÆSIA STICVS ordo in tres præcipuos gradus dividitur; quorum primum & supremum Episcopi obtinent, secundum Presbyteri, tertium Diaconi. quæ discrimina divino & apostolico jure sunt instituta. Etenim cùm Christus Ecclesiæ suæ, quam in terris relinquebat, curam non omitteret, debuit non solùm internis illam beneficiis fovere, quæ à capite in corpus profluerent, sed etiam certa quadam & prudenti regiminis externi specie in perpetuum duratura aspectabile corpus illud administrare. Non defuit huic officio tam necessario. Constituit quippe in Ecclesia ad eam regendam quos ex om-

G iij

ni Iudeorum cœtu elegit Apostolos, eosque plenissima ad hoc opus arduum auctoritate benignius instruxit. Ea porrò cum destinata esset ad mentes hominum in hoc vitæ ærumnosæ decursu ad beatitudinem aliquando adipiscendam dirigendas, non solum per doctrinæ Christianæ eruditionem, sed etiam per sacras expiations & censuram divinam, quæ rebellium animos percelleret, spiritualis esse debebat. Ejus generis fuit potestas illa quam Christus Apostolis suis tradidit: quæ variis in locis evangelii descripta, inde hauriri debet, ut vera ejus cognitione imbui possimus. Non diffiteor quin res apertissima sit, si à cavillationibus ingenii, quas diversarum partium factiones peperere, bona fide abstinetur. Sed in tam abrupta adversus veritatem animorum contumacia difficile est illam à mendaciis obstrepentibus vindicare. Quæ tamen difficultas cum non pertinet ex re ipsa, propositum meum de illa paucis differendi non retardabit. Id autem ut apertius fieri possit, quæ prolixis disputationibus implicatur potius quam doceatur regiminis istius forma, compendio verborum in tres aut quatuor articulos conjicienda est & astruenda juxta genitam sacræ scripturæ & veterum patrum traditionem.

II. Christus Dominus noster Apostolis omnibus & singulis in solidum Ecclesiam suam fundandam, docendam, & regendam commisit, ea tamen lege adiecta ut Petrus inter eos primatum gereret & caput esset collegii illius apostolici, eo fine scilicet ut praeter communem cum aliis curam, unitatis conservandæ in exercendo regimine follicitudo præcipue & specialiter illi competeteret. Ideoque ut consilium illud Apostolis significaret, Petrum Christus veluti petram atque fundamentum ad Ecclesiam ædificandam constituit. Præterea sermone ad illum coram ceteris specialiter directo, claves Ecclesiæ postmodum ipsi tradendas spondit cum potestate ligandi atque solvendi. Quæ pollicitatio Petro facta ad ceteros quoque Apostolos pertinebat & ad Ecclesiam universam ejusque pastores in futurum præficiendos, scilicet ut scirent omnes pontificii potestatem semper cum Petri Ecclesiæ capitnis communione & unitate retinendam, ad quod ipse præcipue cum potestate ligandi contumaces huic unitati cogere posset.

III. Executio quæ hanc pollicitationem secura est, Apostolis ipsis, atque adeo Petro ex illis uni, potestatem plenam antea promissam contulit. Sed pau-

Iò pòst seorsim auctoritas pascendi universi gregis Petro concessa est. Quibus verbis promissa Petro capit is potestas protuenda unitate in universalis Ecclesiæ regimine illi præ ceteris indulta est. Aliquid enim specialiter datum necesse est intellegi per sententiam Domini ter repetitam post acceptam communiter eandem cum aliis potestatem.

Ceteri quippe Apostoli sic una potestate instructi sunt in solidum ut ejus inter se divisionem faciendam & verbis Domini & ex operis mandati natura non ignorarent. Præceperat Christus ut irent ipsi & universi orbis homines personaliter instituerent. Porro cum singuli terras omnes per agrare non possent, executio mandati divisione provinciarum inter se facta illis aggredienda erat. quæ tamen partitio non impediebat quin solidum jus administrationis penes unumquemque remaneret. Illo vero jureuti poterant etiam in alienis provinciis, si aut proprii Apostoli absentia aut Ecclesiæ utilitas eam curam exposceret. Quod simile est tutorum potestati quos testator liberis suis plures testamento dedit. Tutelæ jus in solidum singulis competit in caput liberorum, atque adeo in patrimonii administratione. Sed si sparsum sit patrimonium per varias

regiones, vel alias quoque ob causas, administratio dividi potest inter tutores: qui propterea non amittent jus illud solidum & commune quod habent in tutela gerenda, licet testator quoque uni è tutoribus specialem administrationis curam contulerit. Sanè compertum est Apostolorum orbis regiones inter se divisisse, spiritu sancto eos ad partium assignationem excitante, ut postea ostendemus. Petrus quoque partem sibi excolendam assumpsit, quemadmodum & Paulus & reliqui Apostoli præstitere. Sed Petrus, præter specialem sibi assignatam partem, universum gregem à Christo pascendum & iu unitate regendum suscepit.

IV. Quare dicendum est, ex Christi instituto regiminis ecclesiastici formam hanc esse ut diversis pastoribus committatur, quorum unus sit caput collegii ad tuendam unitatem; id est, ut politicorum verbis res explicetur, status Ecclesiæ est monarchicus ex aristocratico regimine temperatus.

V. Antequam verò auctoritas illa ad regimen perpetuum Ecclesiæ proponatur, distinguenda sunt privilegia personalia Apostolis concessa, quæ illorum obitu extinta sunt, à potestate reali quæ in successores eorum manavit. Hæc pri-

vilegia in eo versabantur quod Apostoli à Christo ipso in collegium allecti erant excepto Matthia, quod testes fuerunt eorum quæ docuit & mirabilem rerum quas patravit, quod à spiritu sancto in veræ fidei professione eruditus, nec fallere nec falli poterant in docendis populis tum verbo tum scripto. Quartam quæ adhiberi solet notam, de prædicando per universum orbem evangelio, inferius discutiendam remitto.

V I. His demptis, reliqua omnis quæ Apostolis collata est à Christo auctoritas, ut penitus necessaria est ad Ecclesiæ continuum regimen, ita in successores Apostolorum universa pertransiit. Hujus conferendæ pollicitatio Christi præcessit, quam deinde suo tempore executio subsecuta est. Consilium suum de constituenta Ecclesiæ & ejus regimine, quandiu Ecclesia perseveraret, aperuit verbis illis notissimis directis ad Petrum: *Tu es Petrus, & super hanc petram ædificabo Ecclesiam meam, & portæ inferi non prævalebunt adversus eam. Tibi dabo claves regni cælorum; & quocunque ligaveris super terram, ligatum erit & in cælis; & quocunque solveris super terram, erit solutum & in cælis.* Oratio ista ad Petrum directa, qua Ecclesiæ ædificandæ & regendæ con-

slium proponitur, duos continet articulos; alterum de potestate danda, quæ clavum traditione futura significatur; alterum de modo illius tradendæ.

VII. Quod ad primum attinet, in dubium vocari non debet quin potestas conferenda ad omnes pertineret Apostolos: quoniam cùm ad Ecclesiæ administrationem selecti fuissent à Christo, fieri non potest quin de illa quam habituri erant parte eo in munere Dominus cogitaverit; sicut apertè docent Cyprianus, Hieronymus, Optatus, Augustinus, & veteres omnes, qui pollicitationem Petro factam omnes Apostolos respicere asseverant. Quod attinet ad secundum, certum est ex iisdem illis auctoribus magnam hujus pollicitationis partem respicere Petrum præ ceteris Apostolis, ex eo quod illa quæ reliquis confertur auctoritas promittitur verbis ad Petrum directis, quibus ipse quoque petra, ut fundamentum Ecclesiæ futurum, nuncupatur. In quo singulariter unitatis Ecclesiæ mysterium adnotavit Cyprianus & alii eum secuti, hoc nempe fuisse consilium Christi differentis in adloquendo singulariter Petro eique promittenda quæ communis illi futura erat cum collegis suis auctoritate ut unitatem ab uno incipientem demonstra-

ret, scirentque omnes Apostoli & eorum successores sic esse fundandam per diversas regiones Ecclesiam ut nihil discrepareret ab unitate; cuius primus ille unus erat origo, radix, & prima fundamenti petra, quemadmodum recte observavit Optatus Milevitanus.

VIII. Quod promiserat Christus, apud Matthæum, se facturum aliquando, partim perfecit antequam excederet è vivis, data eximia illa eucharistiæ conficiendæ Apostolis omnibus potestate. Post resurrectionem verò, plenam apostolicam auctoritatem collegio Apostolorum constitulit, servato eodem discrimine quod in pollicitatione adnotavimus. Postquam in eos insufflasset, formula solenni usus dixit: *Accipite spiritum sanctum. Sicut misit me vivens pater, ita & ego mitto vos. Euntes in universum mundum, prædicate evangelium omni creaturæ. Quorum remiseritis peccata, remissa sunt; & quorum retinueritis, retenta sunt.* Quibus verbis continetur universa auctoritas necessaria ad regendam Ecclesiam, quæ ad Episcopos Apostolorum successores manavit, jus docendi evangelium, administrandi baptismum, & in eo consignandi ad dandum spiritum sanctum, (quæ duo conjungi debebant, ut discimus ex Actis) jus ligandi

sive retinendi peccata , id est , censuris ad-
versus reos utendi , potestas quoque sol-
vendi tum à censuris ipsis , tum à peccatis ,
& postremò auctoritas mittendi alios ad
idem ministerium implendum , quemad-
modum Christus missus fuerat à patre cuī
eadem substituendi potestate . in quo con-
sistit jus ordinationis . Attamen noluit Do-
minus Petrum prætermittere quin eum
quoque solum alloqueretur in executione
promissi quod ad eum solum directum fue-
rat . Quare Christus triplici interrogatione
Petrum provocatum , an se amaret , ter-
pascendi oves & agnos suos potestate or-
navit . Non dubitant veteres quin hæc pas-
cendi gregem auctoritas , quæ omnia regi-
minis episcopalibus munia uno verbo com-
pleteatur , verbis quoque illis cum Aposto-
lis communicata fuerit , sed ita ut myste-
rium unitatis ab uno profectæ conservare-
tur , ut superius monuimus . Hoc significa-
re voluit Innocentius I. cùm ait episcopa-
tum exordium sumpsisse à Petro , & post
eum Leo primus ; quoniam ejus institutio
promissa fuit Petro , & eo pacto ad cete-
ros Apostolos manavit . Pari quidem præ-
dicti erant consortio honoris & potestatis
cum Petro ; sed hæc initium sumit à Petro
ut unitas Ecclesiæ demonstretur , sicut lo-
quitur Cyprianus , & ut capite constituto ,

schismatis tollatur occasio , quemadmo-
dum loquitur Hieronymus . Quare sicut
in Apostolos nullum cadere poterat er-
roris aut schismatis periculum , atque ad-
eo nullæ contra illos censuræ locum ha-
bere poterant , nulla quoque Petro in il-
los competebat judiciaria auctoritas . Ad
illud solum tenebantur , ut quas funda-
bant Ecclesias subjicerent unitati & pe-
træ primariæ adjungerent , ne alioqui
schismaticæ essent , ut monuit Optatus .

I X . Hic quæri potest an faltem in mit-
tendis Apostolis jus aliquod ex vi prima-
tus Petro competenteret . Quod in eam inci-
dit discussionem quam nos facturos mo-
nuimus , an jus per universum orbem præ-
dicandi , quod Apostolis collatum fuit , sit
privilegium personale , an verò sit pote-
stas realis . Omnibus persuasum video hanc
potestatem in Petro fuisse ordinariam ,
quæ transeat in successores , in aliis verò
Apostolis fuisse extraordinariam sive de-
legatam , quæ morte illorum extincta fue-
rit . Quæ distinctio potestatis extraordinariae &
ordinariæ cùm nullo scripturæ fun-
damento nitatur , imò verò disertis illius
verbis repugnet , quæ de omnibus in com-
mune Apostolis loquitur , nos , ut puto , ve-
riorem & faciliorem insistemus viam in hac
difficultate solvenda . Existimamus ergo

potestatem docendi per universum orbem toti Apostolorum collegio concessam & singulis è collegio. Quatenus universitati competit, remansit in Ecclesia penes Episcoporum collegium , & præcipue penes collegii præsidem. Quatenus autem singulis Apostolis erat data , eorum morte extincta fuit.

X. Ista definitione posita , supereft ut respondeatur quæstioni propositæ , an Petro jus competeret mittendi aliquem ex Apostolis , etiam invitum. Quæ inutilis omnino est quæstio ; nec dubitari potest quin cui totum competit , partem aliquam sibi eligere possit. Ut autem istæ diffensionum occasiones præciderentur , prudenter provincias inter se partiti sunt Apostoli , præcipue cùm nullus eorum posset omnes peragrare. Exemplo autem isto missiones in barbaricas regiones , id est , extra Romani imperii terminos sitas , synodus Constantinopolitana reservavit iis Episcopis qui earum curam gere solebant , scilicet præcipuis thronis erga provincias suis tractibus viciniores. Ea de causa Alexandrinus Episcopus Æthiopæ consulebat , Antiochenus Indiarum Ecclesiis. Cæsariensis in Cappadocia majoris Armeniæ Ecclesias ordinabat. quod jus deinde , post subjectam Constantino-

litanæ sedi Cæfaream , in illam devolutum est. Romanus jure patriarchico occidentis quoque provincias in barbarico constitutas curabat ; quamvis jure primatus omnibus consulere posset , saltem negligentibus suum officium reliquis Patriarchis.

X I. Sed ut ad primum consilium Christi in Ecclesiæ regimine instituendo redeamus , ex superiùs dictis patet collatum collegio Apostolorum regendi auctoritatem , ea lege ut Petrus præcesset Ecclesiæ unitati , eamque custodiret. Defunctis autem Apostolis non est eversa semel constituti regiminis forma & nova substituta ; præcipue cùm prior illa necessaria non esset temporibus Apostolorum , nisi quatenus intererat formam regiminis semel constituere quæ in perpetuum esset observanda. Itaque in Episcopis quos Apostoli in locum suum substituerunt debet vigere idem administrationis & regiminis status. Rerum summa & infallibilis potestas erit in collegio Episcoporum coniuncto cum præside unitatis. Hæc est enim sententia horum verborum , *super hanc petram ædificabo Ecclesiam meam , & portæ inferi non prævalebunt adversus eam , id est , adversus Ecclesiam ædificatam supra petram , conjunctam nempe & adhærentem petræ*

sive præsidi unitatis. Porrò cùm Petrus fuerit constitutus à Domino petra & caput unitatis Ecclesiæ, sine dubio is Episcopus qui Petri locum possidebit, dignitatem quoque & auctoritatem capitis in se suscipiet. Locus autem Petri est Ecclesia Romana, ut inter ceteros disertè docuit Cyprianus. Ex quo sequitur in Episcopo Romano residere primatum in Ecclesiæ regimine à Christo constitutum. Quare poterit ille ex officio & vi potestatis sibi collatæ unitatem tueri, erudiendo ignaros, & contumaces ligando sive censuris per cellendo, cujuscunque sint conditio-
nis, sive Episcopi & clericorum, sive laici. Vni-
tas autem violari potest aut hæresi aut
schismate. Exerere ergo poterit potesta-
tem illam in his unitatis scissionibus : quæ
tamen si à parte Ecclesiæ non contem-
nenda fiant, ut majori cum fructu reme-
dia adhibeantur, adhibita Episcoporum
synodo, quæ collegium universum repræ-
sentat, docendi sunt qui errant, & corri-
gendi nisi resipiscant, Petri Apostoli
exemplo, qui eam formam secutus est in
controversia dirimenda de servandis riti-
bus legalibus. Eadem quoque distinctione
adhibita Leo primus post damnatam à se
cum synodo Romana Eutychianam hære-
sim Legatos suos in Orientem missos mo-

H

nuit ut communionem negarent iis Episcopis qui suæ sententiæ subscribere nolent; si autem magna pars Episcoporum refragaretur, tum à Marciano Imperatore synodum generalem cogendam peterent, in qua renitentes doceri possent.

*Vide lib. 5.
De concord.
cap. 8. §. 3.*

X I I. Augustinus ait Petrum Ecclesiæ personam repræsentasse quando illi datae sunt claves quæ tunc sunt datae Ecclesiæ. Caietanus & alii aiunt dataas Ecclesiæ, id est, in Ecclesiæ utilitatem. quæ explicatio est frigida. Gerson ait dataas Ecclesiæ fontaliter, ut Ecclesia eas deinde daret Petro & reliquis. quæ falsa, quia potestas spiritualis data est tantum ministris principaliter. Coeffeteau ait dataas Ecclesiæ, id est, Petro & ejus successoribus. quæ sapit stylum curiæ Romanæ. Mihi videtur datam Petro potestatem, quia repræsentabat Ecclesiam ob primatum inter discipulos, inquit Augustinus, datam ergo Ecclesiæ, id est, corpori mystico Christi, quod constat ex Episcopis & plebe fideli. Ecclesia est plebs sacerdoti adunata, inquit Cyprianus. Data est ergo potestas Petro principaliter, & in eo omnibus Apostolis & Episcopis in perpetuum, ut eam in Ecclesiæ unitate exerceant; extra quam unitatem potestas illa spiritualis esse non potest. Data Ecclesiæ, quæ eligit mini-

stros & ordinat, & statim potestas hic data à Christo communicatur ordinibus.

Claves datæ Petro, ceteris deinde communicandæ, ut ait Optatus.

*Vide Casian. lib. 3.
de incarnat.
cap. 12.*

XIII. Pares honore & potestate Apostoli. Variè hoc intelligitur. Bellarminus quoad amplitudinem in subditos pares, sed inter se impares quoad modum regiminis, quod soli Petro commissum est. Puta pares fuisse inter se in omnibus, regimen quoque illis commissum quoad servandam unitatem. Sed in executione paris illius potestatis tenebantur Apostoli fundare Ecclesias in unitate; cuius caput cum esset Petrus, illius communioni eas subjecere tenebantur, ut docet Optatus. Ceterum ipsi unitatem quoque conservabant, violatores corrigendo, ut fecit Paulus in epistola ad Corinthios. Quod manavit in Episcopos, qui jus idem habent, ita tamen ut singuli & universi ab unitate capitatis pendeant.

Statim atque Christus doctrinam suam propalare incepit, multos habuit sectatores, qui discipuli vocantur generali nomine in evangeliō. Ex eorum numero duodecim selegit perpetuos sibi comites futuros, individuos in comitatu & in convictru, ut loquitur Tertullianus. Eorum nomina recensent Evangelistæ Matth. x.

H ij

Marcii iiii. & Lucæ vi. Verba Matthæi:
Duodecim Apostolorum hæc sunt nomina. Primus Simon qui dicitur Petrus, & Andreas frater ejus, Jacob Zebedæi, & Ioannes frater ejus, Philippus, & Bartholomæus, Thomas, & Matthæus publicanus, Iacobus Alphæi, & Lebbæus cognominatus Thaddæus, (qui Iudas Iacobi dicitur Lucæ vi.) Simon Cananæus, & Iudas Iscariotes, qui & tradidit illum, id est, Christum. Illos vero per gradus veluti quosdam ad plenam apostolatus functionem evexit; cuius præcipuæ partes ad tempus suscitati è mortuis Christi cum pertinenterent, integrum tunc potestatem illis contulit. Interim vero præsens & in hominum convictu degens, in rudimentis & veluti tyrociniiis quibusdam apostolatus eos exercuit, augendo illos ipso Apostolorum nomine; cuius origo non aliunde petenda est quam ex usu Graecanicæ linguae apud Iudeos Hellenistas, qui Missos cum mandatis ἀποστόλοις vocabant, quos Legatos Latinè dixeris, ut iiii. Reg. cap. xiv. ex septuaginta interpretum versione redditur *Apostolus*, qui Hebraicè תָּלִיחַ. Quæ dictio in Thalmudicis libris eos significat qui decimas atque alia percipiebant, & ad Levitas deferebant; qui dicuntur ἀποδεχεῖς sive susceptores in edito Augusti ad Asiac civitates, & eorum

H

functio Ἀπόστολον apud Iulianum in epistola ad Iudeos & apud Epiphanius. quod nomen mansit post urbis excidium. Nam Patriarcharum in dispersione constitutorum assessores vocabantur Ἀπόστολοι, teste Epiphanio. In codice Theodos. tit. De Iudeis, Apostoli vocantur qui summam pecuniae à Synagogis exactam ad Patriarchas suos reportabant. Christus itaque quos mittere decreverat velut Legatos ad mandata sua in populos perferenda fructumque castigatae vitae velut decimas ad se reportandum Apostolos dixit; qui Christi legatione fungebantur, ut loquitur Paulus. Porro Apostoli dictionem Ἀπόστολον Ἀπόστολεν derivatam non solum docet Grammatica, sed etiam verba Marci cap.

III. Καὶ ἐποίησε δώδεκα, ἵνα ὁ σύμετρος αὐτοῦ, καὶ ἡ Ἀπόστολον αὐτοῦ κηρύξῃ.

XIV. Duodecim numero eligit Christus, quoniam spiritale regnum extructurus exprimere voluit reipublicæ Iudaicæ imaginem, quod clarius appareret regni æterni promissiones in ipso solidè impletas. Sicut enim tribus duodecim, ita duodecim erant phylarchæ eximia dignitate, ad quam alludunt verba Christi Matthæi xix. & Lucæ xxii. quemadmodum docuit vir eruditissimus Hugo Grotius in adnotatis ad caput decimum Matthæi & alibi. Proceres seu

H iij

capita cujusque tribus (ideo dicti phylarchæ) in veteri statu regni Israelitici proximè ad regiam majestatem accedebant, & in publicis cœtibus juxta ejus solium sedebant in sellis curulibus. Vnde Christus in judicando confessuros secum Apostolos in duodecim sedibus pollicetur Matthæi xix. Enimverò quoniam in regno Israelitico duo primi loci erant τὸ φυλαρχῶν, tribuum Iudæ & Iosephi , hos honores videtur depositere Salome filiis suis Iacobō & Ioanni , petens ut alter sedeat à dextris , alter à sinistris in regno Christi, Matthæi xx. Quamquam autem ob duplam Iosephi liberorum portionem factæ erant tribus tredecim , solent tamen plerunque nominari duodecim Actor. xx. Iacobi i. quia Levitica nullas habebat sedes seorsim , ac proinde nec proprium μεταδρόχην.

XV. Diximus Apostolos initio electos à Christo , scilicet ut testes essent vitæ, doctrinæ, & resurrectionis ejus, Ioannis xv. *Et vos testimonium perhibebitis, quia ab initio mecum estis.* Adde Acto. i. & x. Vnde Paulus se Apostolum prædicat quia vidit Iesum Christum Dominum nostrum. Recchè igitur Tertullianus in libro de pudicitia ait Apostolos assumptos à Christo ut *testes omnium gestorum essent.* Idem de præ-

cript. cap. xx. *Quis integræ mentis credere potest aliquid eos ignorasse quos magistros Dominus dedit, individuos habitos in comitatu, in discipulatu, in convictu?* Paulinus Nolanus epist. xi. *Quia Apostoli in orbem terrarum mittendi forent ad omnium gentium informationem, non auribus tantum sed & oculis praedicandam fidem capere debebant; ut quod firmius didicissent, constantius edocerent.* Primus gradus potestatis quam Christus illis contulit substituit in eo ut intra Palæstinæ fines Iudeos ad melioris vitæ susceptionem horarentur & ad Christum audiendum pertraherent, à qua accepturi essent cetera quæ ad salutem & regnum cœlestis, quod proximum erat, ipsis erant necessaria, addita potestate miracula patrandi ad obsignationem eorum quæ docebant. Deinde verò gustum quendam illis dedit pleni quod exercere aliquando debebant magisterii, verbis illis celebratissimis quibus post professionem de divinitate Christi editam à Petro, hujus fidem eximio præmio rependit, & consilium suum de constitudo in futurum Ecclesiæ suæ regimine aperuit. Matthæi xvi. *Beatus es Simon Bar-Iona; quia caro & sanguis non revelavit tibi, sed pater meus qui in cælis est. Et ego dico tibi quia tu es Petrus, & super hanc petram ædificabo Ecclesiam meam, & portæ inferi non præ-*

*Mattib. 10.
& Marc. 3.*

H iiiij

valebunt adversus eam. Et tibi dabo clavis
regni cœlorum. Et quodcumque ligaveris super
terram, erit ligatum & in cœlis & quodcum-
que solveris super terram, erit solutum & in cœlis.

XVI. Pro aperta & libera nominis
sui confessione à Petro facta voluit Chris-
tus illi reponere aliquid sublime quod ad
Ecclesiam quoque suam pertineret, quæ
fidei illi potissimum inniti debebat. Quod
ut perficiat, orditur à mutatione nominis;
adeo ut qui Simon Bar-Ionæ proprio & fa-
miliari nomine vocabatur, esset in poste-
rum Cephas sive Petrus; communicato
illi nomine appellativo Christi, qui petra
dicitur & lapis angularis ædificii spiritu-
lis. Ex illa communione nominis voluit
intelligi asciscendum Petrum in societa-
tem illius ædificii construendi, & in eo
opere dirigendo proximum à Christo, &
auctoritate ab eo derivata principalem
administrum futurum. Quod non ex con-
jecturis dicitur, sed ex ipsis evangelii ver-
bis. Rationem enim redditurus Christus
cur novum Petri nomen contulisset his
verbis, Tu es Petrus, subjungit: Et super
hanc petram ædificabo Ecclesiam meam, id est,
te præcipuum Ecclesiæ ædificandæ funda-
mentum asciscam, tibi ut præcipuae post
petram Christum petræ Ecclesia innitetur.
Quod ab ejus soliditate recederet, corrueret

ædificium; nec poterit primariæ & angulare Christi petræ conjungi quod nexum non fuerit cum secunda illa petra quæ toti ædificio velut fundamentum proximum à Christo substernitur.

Sanè proposito mutati nominis conveniebat ut novitatis hujus ratio aperiretur. Ita de Abraham dictum quando ex Abram factus est Abraham: *Nomen tuum erit Gen. 17.*

Abraham, quia patrem te multarum gentium constitui. Sic de Iacobo: Israel erit nomen tuum. Gen. 32. ¶ Nam ut principem te geris apud angelos & homines. Eodem modo Christus ait: Petrus à me nominaris, quia eris quasi petra in ædificio Ecclesiæ. Observandum hic est Christum Syriaca lingua locutum, qua nomen Cephas Simoni indidit, ut docet Ioannes cap. 1. ubi statim à vocatione promissa est Simoni nominis mutatio, quæ postea apud Matthæum exhibetur: *Tu es Simon filius Ionæ. Tu vocaberis Cephas, quod interpretatur Petrus.* Eadem illa vox Cephas Syriacè & petram significat & hominem Petrum. Hieronymus in caput secundum ad Galatas: *Non quòd aliud significet Petrus, aliud Cephas; sed quòd nos Latinè & Græcè petram vocamus, Hebrei & Syri propter linguæ inter se viciniam Cepham nuncupent.* Quare non est quòd existimemus Petrum esse nomen appellativum à petra ductum,

ut Ciceronem à cicere , Lentulum à len-
te ; quamvis aliter visum fuerit Augustino
ob non expensam istam Hieronymi anim-
adversionem ; sed est nomen proprium,
translatum cum sua significatione in ser-
monem Græcum. Rectè autem Matthæus
vel ejus Græcus interpres , Ioannes quo-
que , vocis Hebrææ genus mutavere , quia
vir petra dici non poterat salva Græci ser-
monis regula. Ex eadem consideratione
factum ut super petram ædificari dicatur
Ecclesia , non autem supra Petrum , quia
dictio πέτρος usitatè non significabat quod
Christus volebat indicatum , nempe fa-
xum tale super quod aliquid ædificari so-
leat. Quare mutatio generis facta est ele-
ganter & opportunè in lingua Græca ,
cùm eadem dictio *Cephas* retineatur in
Syriaco sermone.

XVII. Quisnam verò sit futurus effe-
ctus hujus pollicitationis , explicat Mat-
thæus sequentibus verbis , Petro scilicet
tradendas regni cœlestis claves , ut earum
ministerio ligare possit & solvere , clau-
dere & recludere , omnemque ministerium
apostolici partes pleno jure & speciali ,
quamvis non solus , exercere. De quo
postea agetur ; & docebitur Christum im-
pleuisse quod hic sponderat , data Apo-
tolis omnibus & Petro auctoritate aposto-

lica , cum eo discrimine quod hic significatur.

XVIII. Hæc quidem interpretatio satis aperta est. Sed in negotio tanti momenti necesse est ut vetusta patrum tradizione fulciatur , ne videamur novam doctrinam orbi Christiano invehere , ut contra sui animi sensum novatores conqueri solent. Quod abundè cùm præstitum fuerit à viris eruditis , nos pauca veterum testimonia feligemus , quæ universalis Ecclesiæ mentem manifestius aperiunt. Sanè ex isto Matthæi & altero Ioannis loco collegere patres Petrum constitutum fuisse à Christo apostolici cœtus caput , principem , & coryphæum , remanente apud Christum eximia illa & suprema capititis dignitate & auctoritate . de quo copiosè egimus suprà . Petrus autem ea ratione caput dicebatur qua Samuel dicebat Saulem factum fuisse caput in tribubus Israel i. Reg. x v. Et Esaias cap. vi i. Rasin vocat caput Damasci , & filium Romeliæ caput ; velut à Pacato Drepanio Præfectus dicitur provinciæ caput , & vir caput mulieris ab Apostolo ; ut significetur *Ephes. 5.* præcipua quædam auctoritas juxta subiectam materiam in eo qui dicitur caput .

XIX. Chrysostomus homilia secunda in psalmum quinquagesimum. δ τύλος §

Σηκουνίδης, ὁ κρηπὶς τὸ πίτεως, οὐ κεφαλὴ τῷ
εἰδῇ τῷ ἀποστόλῳ ὁ Πέτρος. Columna illa Eccle-
siae, illa fidei basis, illud apostolici chori caput
Petrus. Philippus Cælestini Legatus syn-
nodum Ephesinam alloquens, Non igno-
rat, inquit, vestra beatitudo totius fidei
etiam Apostolorum caput esse beatum Apostolum
Petrum. Οὐχ αὖγνοῖς οὐδὲ μᾶκαλοῖς ὅπι
κεφαλὴ ὅλης τὸ πίτεως τῷ τῷ ἀποστόλῳ οὐ μάκ-
αλος Πέτρος ἀπόστολος. quod relatum est in
acta synodi absque cuiuscumque intercessio-
ne. Caput Apostolorum dicitur quoque
ab Optato Milevitano, Hieronymo, &
primatum vel principatum apostolatus ge-
rere ab Augustino.

X X. Optatus Milevitanus Episcopus
libro secundo adversus Parmenianum eo
verbo utitur, & rationem ejus appella-
tionis profert, scilicet ut Apostoli scirent
Ecclesias in unitate cum Petro fundandas
& regendas, eumque schismaticum &
compage corporis alienum qui propriam
sibi Ecclesiam & à capitis sive Petri com-
munione alienam vindicaret. Negare no-
potes scire te in urbe Roma Petro primo cath-
edram episcopalem esse collatam, in qua sedens
omnium Apostolorum caput Petrus, unde & Co-
phas appellatus est; in qua una cathedra unitas
ab omnibus servaretur, ne ceteri Apostoli singu-
las sibi quisque defenderent; ut jam schismati-

tus & peccator esset qui contra generalem cathedram alteram collocaret. In quo loco expendendo amolienda est macula qua solet aspergi à novatoribus Optatus ignorationis linguae Hebrææ, ac si putasset Cepham deductum esse à dictione Græca οὐφαλη. Hoc tantum voluit, Cepham dictum à Christo, sive petram, cui collegii apostolici moles compaginari deberet. Quamvis nihil quoque vetet quin ad nominum in sono similitudines alluserit, Cephæ cum οὐφαλη, quæ in rei significatione congruebant. Quod à Gregorio Nazianzeno & aliis Græcis usurpatum in voce πάχα, quam licet ab Hebræo *Phase* ductam non ignorarent, ad passionem Christi significandam retulerunt, ἀπό τούτης πάσχειν, quia & sonus verborum & rei mysticæ significatio in idem congruebant.

XXI. Sed ad sententiam Optati ut redeamus, tria præcipua docet, quæ non à catholicis solùm sed neque à Parmeniano Donatista negari posse contendebat, à Christo unam solam cathedram constitutam in Ecclesia; eamque Petro collatam in urbe Roma, qui hac ratione factus est caput Apostolorum, porrò unitatem ab omnibus Apostolis servandam in illa una cathedra; ne si ab ejus unitate recessentes in Ecclesijs ædificandis aliam ca-

thedram constituerent, schismatici & pe-
catores haberentur. Nullum erat pericu-
lum ne scissa unitate Ecclesiæ Apostoli
proprias sibi Ecclesiæ defenderent se-
junctas à communione Petri. Sed regi-
minis semel constituti forma exposcebat
ut sciremus Apostolos quoque ipsos huic
regulæ à Christo præscriptæ subditos fu-
sse. Pares quidem in ceteris erant Petro,
sed in retinenda unitate eum respicere de-
bebant ut totius collegii caput & recto-
rem unitatis, quemadmodum uberiùs ex-
plicabitur.

XXII. Unitatis itaque retinenda
corpo universo necessitas cùm à Christo
caput instituendum exposceret, id ille pro-
fua divina sapientia præstitit, sicut docuit
Optatus, & disertè quoque Hieronymus
libro primo adversus Iovinianum : At di-
cis, super Petrum fundatur Ecclesia, licet id ip-
sum in alio loco super omnes Apostolos fiat,
sancti claves regni cælorum accipiant, &
æquo super eos Ecclesiæ fortitudo solidetur, ta-
men propterea inter duodecim unus elitur, si
capite constituto schismatis tollatur occasio.
Christus itaque inter duodecim illos Pe-
trum selegit, caputque collegii apostolici
constituit, ut schismatum occasionibus
sublati, unitas Ecclesiæ servaretur, tum
ab Apostolis, sed præcipue ab Episcopis

eorum successoribus, qui hac singulari capitis potestate indigebant. Porrò hæc capitis auctoritas non impediebat quin ex æquo super omnes Apostolos Ecclesiæ fortitudo solidata esset, ut observat Hieronymus, cùm fideles superædificati dicuntur super fundamentum Apostolorum, licet in eo prima esset, post lapidem angularem, Petri immobilis petra. Egregie nugas agunt qui ex priore Hieronymiani loci clausula secundum evertunt, vel è contrario, cùm utraque à viro cordato proferatur, qui pugnantia inter se eadem periodo non concluderet. Caput Apostolorum est Petrus cum potestate dissidia & unitatis scissiones amoliendi, in quo specialis illi cura præ ceteris Apostolis mandatur. Ex æquo tamen super omnes Apostolos Ecclesiæ soliditas constituitur; quia paris erant consortio potestatis prædicti, ut inferiùs dicitur.

XXIII. Sed æqualitatem Apostolorum & præcipuum jūs Petri hujusque doctrinæ originem ex evangelio petitam docebit nos vestutior Optato & Hieronymo Cyprianus, cuius hæc sunt verba:
Loquitur Dominus ad Petrum: Ego tibi dico quia tu es Petrus, & super istam petram ædificabo Ecclesiam meam, & portæ inferorum non vincent eam. Tibi dabo claves regni cælorum;

& quæ ligaveris super terram, erunt ligata &
in cælis. Et eidem post resurrectionem suam dicit
Pasce oves meas. Et quamvis Apostolis omnibus
post resurrectionem suam parem potestatem
tribuat & dicat, Sicut misit me pater, & ego
mitto vos, accipite spiritum sanctum, si cui re-
miseritis peccata, remittentur ei, si cui tenuen-
tis, tenebitur, tamen ut unitatem manifestaret,
unitatis ejusdem originem ab uno (Petro) in-
cipientem sua auctoritate disposuit. Hoc erant
utique & ceteri Apostoli quod fuit Petrus, pari
consortio prædicti & honoris & potestatis. Sed
exordium ab unitate proficiscitur, ut Ecclesia
una monstretur. Ex quo loco disertè habe-
tur Christum auctoritate sua dispositissime
originem unitatis in Petro, non solum ut
Ecclesiam unam esse demonstraret, sed ut
unitatis quoque retinendæ modum insti-
tueret, ædificata supra petram Ecclesia,
& data illi specialiter pascendarum ovium
cura, ut docent prima hujus loci verba.
Quibus consentiunt ista ejusdem auctoris
epist. LXXXII. ad Iubaianum: *Petro pri-*
mùm Dominus, super quem ædificavit Eccle-
siam, ut inde unitatis originem institueret po-
testatem istam dedit, ut id solveretur in cælis
quod ille solvisset in terris. Horum verbo-
rum & sententiæ Cypriani explicationem
non aliunde sumere debemus quam ex
Optato & Hieronymo, qui docent ad
Apostolos

Apostolos quoque pertinuisse ut unitatem cum Petro , qui origo illius & caput institutus erat à Christo , sibi necessariò retinendam esse scirent.

XXIV. Sed excipies pari quoque consortio honoris & potestatis præditos fuisse Apostolos ex mente Cypriani. quod capit is auctoritatem imminuere videtur. Non me latent quas Turrecremata , Caetanus , Bellarminus , & alij in expedienda ista difficultate distinctiones adhibuerunt: quarum præcipua hæc est , pares illos fuisse quoad amplitudinem rerum gerendrum, sed non in modo & ordine agendi, id est , ut illi explicant , singulos Apostolos plenissimam habuisse potestatem in omnes Christianos , sed inter se fuisse impares , quoniam Petrus erat caput ceterorum. Attamen si quid in rebus istis video , contraria via ineunda est ad mentem Cypriani feliciùs & faciliùs percipiem- dam. Pares erant in consortio ejusdem potestatis, tum in fundandis Ecclesiis, tum in iis erudiendis atque regendis. Etenim non solum Ecclesias singuli instituebant, sed etiam docebant & regebant , schismata & divisiones tollendo , ut fecit Paulus in Ecclesia Corinthiorum , & hæreticos excommunicando , ut Hymenæum & Phygellum. In quo pares erant Petro , qui

suas quoque speciales Ecclesias fundaverat, & jure sibi cum singulis Apostolis communi regere poterat. Itaque super omnes ex equo Ecclesiæ fortitudo solidata erat, ut docuit Hieronymus. Præterea pares erant in apostolatu, etiam inter se, cum neminem illorum Petrus nec ligare posset nec solvere ob speciale privilegium quo in vera fide fuerant à Spiritu sancto confirmati. Alioqui si ab officio desciscere per hæreses aut schismata potuissent, Petrus eos coëgisset ne turbarent unitatem. Id solum supererat Petro collato cum Apostolis, quod esset caput unitatis, adeoque tenerentur Apostoli particulares Ecclesias subjecere huic unitati, ut docuit Optatus, cuius specialis custodia in universa Ecclesia erat penes Petrum. Vno verbo res ista comprehendi potest. Pares Apostoli inter se & in apostolatu; sed ratione habita ad unitatem Ecclesiarum servandam Petrus eximio jure & præcipuo erat caput unitatis, adeoque sub illo respectu erat caput Apostolorum.

X X V. Quod si quis præfractè contendat Cyprianum significare Apostolos omnino inter se pares absque ullo discriminatione, neque ratione unitatis retinendæ, neque alia ulla ex causa, is agnoscat se refragari Cypriano, qui manifestè docet

dispositam fuisse à Christo originem unitatis in Petro , ædificando Ecclesiam super illam petram , & oves pascendas illi committendo. Si respondeat in eo reperiiri inæqualitatem quandam , reponam tamen agnitam à Cypriano , qui , excepto illo casu , in ceteris pares facit Apostolos.

Vnde quemadmodum Optatus Petrum nuncupavit caput Apostolorum , sic Augustinus , Cypriani in lectione assiduus , dixit Petrum gessisse primatum inter discipulos. Et alibi declarat in eo fuisse apostolatus principatum. Si quis modum loquendi qui est apud Cyprianum disertè conscriptus , pares fuisse , sed cum aliquo discrimine in origine unitatis , concoquere vel conciliare non possit , vel etiam Hieronymi verba , ita super omnes ex quo solidatam fuisse Ecclesiam ut Petrus fuerit caput pro tollenda schismatum occasione , loquatur ergo ille talis aperiūs cum Leone primo epist. l v i i . qui superiores sententias sic expressit : *Inter beatissimos Apostolos in similitude honoris fuit quædam discretio potestatis ; & cùm omnium par esset electio , uni tamen datum est ut omnibus præmineret.*

XXVI. Porò cum primatus istius originem ducamus à verbis evangelij , necesse est in eorum significationem penitiūs

I ij

*Enarrat. I.
in Psal. 108.
Tract. 124.
in Ioan.*

inspicere & veterem traditionem in eis interpretandis sectari. In re quippe tanti momenti, quæ regimen Ecclesiæ perpetuum respicit, ingenio indulgere & conjecturis factiones in hac materia subortas fovere alienum est à pij & sinceri viri officio. Neque aliquid consequetur qui hac via grassabitur, cùm divina Christi constitutio ad nos pervenire non possit nisi cum scripturarum auctoritate & earum interpretatione, quam vetusta & inconclusa traditio conservavit, ut docuit Vincen-
tius Lirinensis.

Primum itaque veteres ex eo deducunt quòd Christus Petrum constituerit petram & fundamentum Ecclesiæ ædificandæ, quòd illi claves regni cœlorum se traditurum sponserit, easque pollicitationes executus fuerit quando ei pascendum gregem commisit.

X X V I I . Sanè per petram juxta literalis sensus proprietatem universa Ecclesia, tum in occidente, tum in oriente, semper Petrum intellexit, neque ullus patribus hanc interpretationem rejicit: imò verò omnes & singuli illam ut veram & genuinam amplexi sunt. Huic quidem receptæ ab omnibus explicationi superstruere alias quæ huic primæ & universalí non officerent aliqui tentarunt, ut

Origenes & Ambrosius ; qui ad literalem sensum , quem ipsi quoque ponunt, moralem adjunxere , ad omnes fideles ea verba trahendo. Sic Epiphanius & alij, post agnatum petræ proprium sensum de ipsa Petri persona , alium quoque non eleganter invexerunt explicandi & non evertendi primi causa , scilicet de confessione fidei à Petro facta. Qua de re inferius agemus , & de Augustini sententia , postquam literalem illam interpretationem citatis veterum testimonii adstruxerimus.

XXXIII. Origenes homilia vi. in caput xi i. Exodi : *Vide magno illi Ecclesiæ fundamento & petræ solidissimæ, super quam Christus fundavit Ecclesiam , quid dicatur à Domino : Modicæ, inquit, fidei, quare dubitasti ? Item libro quinto in epistola in ad Romanos cap. vi. *Petro cùm summa rerum de pascendis ovibus traderetur, & super ipsum velut super petram fundaretur Ecclesia , nullius confessio virtutis ab eo nisi caritas exigitur.* Idem apud Eusebium libro vi. hist. eccl. cap. xxv. Πέτρος ἡ ἐφ' ὁ οἰκοδομεῖται ἡ Χειρὸς σκηνοστία , ἡς πύλαι αὐτοῦ ἔχεπιχύσουσι. Petrus , super quem aedificata est Christi Ecclesia , contra quam inferiorum portæ non prevalebunt.*

Basilius libro secundo contra Euno-

I iiij

mium, ut doceret appellationibus nominum non solas rerum substantias sed principiis proprietates designari, hoc exemplo disputationem suam illustrat. ὅταν γοῦ
ἀκούσωμεν πέτρον, καὶ τὸ σῖτον αὐτὸν νοήμενον
Ἐστομάτος, ἀλλὰ τὸν ἴδιαματων αὐτὸν αὐτὸν
γεωργίαι τοῦ ἔννοιαν στυπουμένος. ἐντὸς δὲ τοῦ
Φωνῆς ταῦτης νοοῦμεν πέτρον τὸ τινᾶ, τὸ
βιθοῦδα, τὸ ἀδελφὸν ἀνδρέου, τὸ οὐρανόν
εἰς τὴν διακονίαν τὸν θεοδόλην πρεσβυτέραν, το
διά πίστεως υπερέχοντες φίλους τοῦ οἰκοδομήσαν
καὶ λοιπάς δεξιὰ μηρον. Hinc est ut cum Petrum,
nomen videlicet hoc audiamus, non substantiam
eius intelligamus, sed earum, proprietatum que
circa ipsum inspiciuntur sensum concipimus. Ille
enim per hanc vocem intelligimus Iona filium,
qui fuit ex Bethsaida, Andrea fratrem,
qui ex pescatore in apostolatus ministerium
vocatus est; qui quoniam fide praefixa
bat, Ecclesiae ædificationem in se ipsum recepit.

T. I. pag.

869.

Idem ad caput secundum Esaiæ ad verba illa, Erit in novissimis diebus manifestus
mons Domini, postquam ostendisset super
Apostolos tamquam supra montem ædi
ficatam Ecclesiam, id peculiariter tribuit
Petro. Καὶ τὸ πῶν λιβύην πέτρος, εφῆς γε πέτρα
ἰεραγέλατο κύριος οἰκοδομήσειν αὐτὸν τὸν
σῖτον. Unus ex montibus erat Petrus; super
quam petram pollicitus fuerat Dominus suam
se ædificaturum Ecclesiam.

Gregorius Nazianzenus oratione XXVI. Pag. 453.

δέρεται τοις μαθητῶν πάντων δύντων ὑψηλῶν
καὶ τοῖς ὀικλογίης αξένω, οὐ μόνον πέπεια καλεῖται, καὶ τοῦ
θεμέλιος τοῦ ὄχηλοντος πιστεύεται. Vides quem-
admodum ex Christi discipulis, magnis utique
omnibus & excelsis, atque electione dignis, hic
petra vocetur, atque Ecclesiæ fundamenta in
fidem suam accipiatur.

Chrysostomus saepe Petrum vocat fun-
damentum Ecclesiæ & primum atque co-
ryphæum apostolici cœtus, ut libro ad
eos qui scandalizati sunt. πρώτου τοῦ Σπο-
δολῶν, τῷ χρηπίδᾳ τοῦ ὄχηλοντος, τὸν κορυφαῖον
τὸ χρεό τοῦ μαθητῶν. Primum Apostolorum, fun-
damentum Ecclesiæ, principem cœtus discipu-
lorum. Sermone primo de decem millium
debitore. πέτρος οὐκέτι χρεό τοῦ ποσόλων κερυ-
φᾶς, τὸ τοματό μαθητῶν, οὐ τόλος τοῦ ὄχηλοντος,
τὸ τερέωμα τοῦ πίτεως, οὐ τοῦ ὄμολογίας θεμέλιος,
οὐ τοῦ οἰκουμένης ἀλιεὺς. Petrus chori Apostolo-
rum princeps, os discipulorum, columna Eccle-
siæ, firmamentum fidei, confessionis fundamen-
tum, orbis terrarum piscator. Idem homilia
quarta de verbis Esaiæ. οὐ πέτρος οὐ κρη-
πτὸς τοῦ ὄχηλοντος. Quid autem Petrus basis
Ecclesiæ? Item homilia secunda in psal-
mum quinquagesimum. οὐ τόλος τοῦ ὄχηλοντος,
οὐ κρηπτὸς τοῦ πίτεως, οὐ κεφαλὴ τοῦ χρεό τοῦ
ποσόλων, οὐ πέτρος. Columna illa Ecclesiæ, illa
fidei basis, illud apostolici chori caput, Petrus.

I iiii

Pag. 903.

Pag. 6.

Pag. 369.

Pag. 1004.

Heic Mar-
ca admo-
nuit viden-
dum esse lo-
cum & e-
mendan-
dum.

Illustris est Epiphanij locus in Ancora-
to cap. IX. εἰδει τὸν ἀριθτὸν τὸν ἀπόστολων τὸν πί-
τεα τὸν τερεάν, ἐφ' οὐκ ή δικαιοσύνης τὸν θεοῦ ὡροβ-
ινταί, καὶ πύλαν αὐτοῦ οὐκ ησπισθέουσιν αὐτῆς.
πύλαν δὲ αὐτοῦ αἱ αἵρεσεις καὶ οἱ αἱρεσιαρχαί. καὶ
πάντα γὰρ τέοπον τὸν αὐτὸν ἐτερεώθη οὐ πίσις, οἱ
τῷ λαζαρούπι τὸν κλεῖν τὸν οὐρανῶν, τὸν τῷ λύσιοπι τὸν
τὸν γῆς, καὶ δέοντι τὸν τῷ οὐρανῷ. Sic enim ei qui
inter Apostolos primus esset consentaneum erat,
solidæ inquam illi petræ supra quam est Eccle-
sia Dei fundata, & portæ inferi non prævale-
bunt illi. quarum portarum nomine hæreses &
hæreſeon conditores intelliguntur. Omnibus quip-
pe modis in eo stabilita fides est qui cœli cla-
ves accepit, qui & in terra solvit & ligat in
cælo.

Cyrillus Alexandrinus libro primo in
Ioannem cap. I. pag. 131. σίμωνα μὲν οὐκέτι
καλεῖσθαι οὐκ χωρεῖ. φερωνύμως δὲ ἀπὸ τοῦ πέτρου
μετωνόμαξε πέτρον. ἐπὶ αὐτῷ γὰρ ἐμελλε τὸν αὐτὸν
δεμέλιον δικαιοσύνην. Simonem eum jam non
vocari patitur; sed congrua similitudine Pe-
trum à petra vocari placuit, putā super quem
fundaturus erat suam Ecclesiam.

Asterius Amaseæ Episcopus, cuius ubi-
riorem locum alium inferius ponemus,
in oratione de Petro & Paulo. αὐτὸς τε
οὐκ αἱματις αἱπῆλθε, οὐδὲ αἱγέραστος. μακ-
ειος δὲ ὁνομασθεὶς τῷδε τῷ οὐρανῷ μακαειος, πε-
τρα καλεῖται τὸ πίσιον, καὶ δεμέλιος καὶ τὸ-

*Cd̄sa & x̄t̄ geōv ḡn̄x̄noīas. Ille verò haud
indonatus abiit ac sine præmio ; quin potius ab
eo beatus nuncupatus qui eximiè beatus est,
fidei petra appellatur , fundamentumque ac ba-
sis Dei Ecclesiæ.*

XXIX. In eandem sententiam con-
spirant patres Latini vetustiores. Tertul-
lianus libro de præscriptionibus cap. xxii.
*Latuit aliquid Petrum ædificandæ Ecclesiæ
petram dictum , claves regni cælorum consecu-
tum , & alligandi in cælis & in terris pote-
statem.*

Cyprianus epistola LXXI. *Petrus, quem
primum Dominus elegit , & super quem ædifi-
cavit Ecclesiam. Idem epistola XL. Deus
unus est , & Christus unus , & una Ecclesia , &
cathedra una super Petrum Domini voce fun-
data. Et alibi.*

Hieronymus libro primo adversùs Pe-
lagianos cap. iv. & in caput xv i. Mat-
thæi : *Secundūm metaphoram petræ rectè di-
titur ei : Edificabo Ecclesiam meam superte.*

Zeno Veronensis Episcopus in sermo-
ne de circumcisione : *Non sine ratione Si-
moni , super quem ædificavit Ecclesiam Chri-
stus , Petrus nomen imposuit.*

Hilarius Episcopus Pictaviensis cano-
ne xv i. in Matthæum : *O in nuncupatione
novi nominis felix Ecclesiæ fundamentum , dig-
naque ædificatione illius petra quæ infernas*

leges & tartari portas, & omnia mortis claustra dissolveret. O beatus cœli janitor, cuius arbitrio claves æterni aditus traduntur, cuius terrestre judicium præjudicata auctoritas sit in cœlo, ut quæ in terris aut ligata sint aut soluta, statuti ejusdem conditionem obtineant & in cœlo. Idem in psalmum cxxxii. Petrum, cui superius claves regni cœlorum dederat, super quem Ecclesiam ædificaturus erat, adversus quam portæ inferi nihil prævalerent, qui quæ in terra vel solvisset vel ligasset, ea in cœlis vel soluta persisterent vel ligata. Et in psalmum cxli. Adeo ut & firma superædificandæ in ea Ecclesiæ petra trepidaret.

Ambrosius in versibus ab Augustino laudatis: *Hoc ipsa petra Ecclesiæ canendo culpam diluit.* Idem ad caput xxii. Lucas, ad illa verba, *Ego rogavi pro te*, ait: *Eidem autem suprà dicenti, Tu es Christus filius Dei vivi*, respondet: *Tu es Petrus, & super hanc petram ædificabo Ecclesiam meam.* Et tibi dabo claves regni cœlorum. Ergo cui propria auctoritate regnum dabat, hujus fidem firmare non poterat; quem petram dicit, firmamentum Ecclesiæ judicavit.

Augustinus in psalmo contra partem Donati, loquens de cathedra Petri in Romana Ecclesia: *Hæc est illa petra quam non vincunt superbæ inferiorum portæ.* Idem sermone xv. de sanctis: *Petrum itaque fun-*

damentum Ecclesiæ Dominus nominavit, & ideo dignè fundamentum Ecclesia colit, supra quod ecclesiastici ædificij altitudo consurgit. Sed de illius sententia statim dicemus.

Leo i. sermone secundo in anniversario die assumptionis suæ. *Manet ergo dispositio veritatis; & beatus Petrus in accepta fortitudine petræ perseverans, suscepta Ecclesiæ gubernacula non reliquit. Sic enim præcesteris est ordinatus ut dum petra dicitur, dum fundamentum pronuntiatur, dum regni cœlorum janitor constituitur, dum ligandorum solvendorumque arbiter mansura etiam in cœlis iudiciorum suorum definitione præficitur, qualis ipsum cum Christo esset societas, per ipsa appellationum ejus mysteria nosceremus.*

Auctor libri de vocatione gentium lib. ii. cap. xxvii. i. de Petro ait. *Hanc foriissimam petram, quæ ab illa principali petra communionem & virtutis sumpsit & nominis.*

XXX. Hac interpretatione posita ut vera & genuina & à constanti traditione manante, facile est demonstrare superimpositas alias non nocere veritati. Origenes quippe postquam docuit Petrum esse petram illam cui Ecclesiæ ædificium imponitur locis laudatis, adnotat tractatu primo in caput xvi. Matthæi morali quoque sensu fidelium unumquemque qui rectam fidem à Christo

edoctus profiteatur & pietatis operibus confirmet, Petrum atque petram dici posse, atque in se ædificare Ecclesiam, id est, eam quæ ab Ecclesia docetur vitæ institutionem. Tantum autem abest ut locus iste priori explicationi officiat ut ei potius innitatur. En verba Origenis quæ id evincunt, docentque τὸ πνεύμα pollicitationis Domini Petrum respicere, sed mentem sive διδύοντα aut, sicut ille loquitur, spiritum Christi, ad unumquemque fidelium pertinere. *Evangelij quidem scriptum habet ad illum Petrum; ut verò docet illius spiritus, ad quemvis qui talis factus fuerit ac Petrus.* Literaliter ergo ista intelligenda sunt de Petro, sed spiritualiter & morali sensu de fidelibus, eodem Origene interprete hoc ipso loco qui objici solet ad revertendam propriam illam interpretationem.

Eundem spiritalem sensum ex Origene mutuatus Ambrosius, licet assertor quoque literalis, libro VI. in Lucam cap. VI.
Qui carnem vicerit, Ecclesiae fundamentum est;
& si æquari Petro non potest, imitari potest. Quibus verbis satis indicatur spiritalem sensum literali superadditum, non autem æquatum.

XXXI. Alteram quoque explicationem primæ non contrariam, quin potius illam complectentem, addunt plurimi

veterum, nempe per petram intelligi fidei à Petro editæ de Christi divinitate confessionem. Sic loquitur Hilarius libro sexto de trinitate, Epiphanius hæresi L ix. Cyrillus libro quarto in Isaiam, Chrysostomus homilia L v. in Matthæum, idem homilia secunda in psalmum quinquagesimum, Ambrosius libro sexto in Lucam, Gregorius magnus lib. vii. Indict. ii. epist. lxxii. & libro quinto Moralium cap. vii. Adrianus I. epist. iii. Nicolaus I. epist. ii. Ioannes viii. epist. liii. & plerique mediæ ætatis auctores. Non est quòd tempus teram in refricandis testimonijs Hilarij, Epiphanij, Cyrilli, Chrysostomi, & Ambrosij, aliorumque qui petram de Petro interpretantur; ac proinde sibi ipsis contrarij censendi non sunt, quin potius utramque explicationem in idem recidere reipsa eos existimasse dubium non est. Vulgò sic distingunt, formaliter petram dici de Christo, sed causaliter de fide. Rem apertius exponemus & mysterium Christi pandemus, ut puto, si dicamus in ea explicatione patres non tantum respexisse quòd Petrus pro confessionis suæ præmio hanc nominis petræ prærogativam tulerit, quamvis illud pas- sim fateantur, sed rationem indicasse qua fieri possit ut Petrus positus sit pro fun-

damento Ecclesiæ. Nempe ex se infirmus homo id præstare non poterat , nisi quatenus patre cælesti ejus mentem impelle nte , Christum filium Dei palam professus est : cuius confessionis beneficio ascitus est statim à Christo in nominis & officij participationem quandam ; ita ut quemadmodum Christus est verum & principale fundamentum Ecclesiæ, præter quod nemo aliud ponere potest , sic Petrus ex beneficio Christi sit petra & fundamentum Ecclesiæ opere externo ædificanda confessione illa cum Christo conjunctum, adeo ut secundum istud fundamentum intelligi non possit nisi quatenus est conjunctum cum primo.

1. Cor. 10.

Istius explicationis idoneos auctores proferimus Epiphanium & Augustinum & alios , qui suis verbis sententiam à nobis propositam exprimunt. Epiphanius hæresi L I X . cap. V I I . οὐδὲν πάσιν αὐτὸν τούτῳ πέπειος οὐχὶ καρυφαιότατος τὸ ἀπόστολος, οὐδὲ γέγονεν ἡμῖν ἀληθῶς τερεὰ πέπεια θεμελιώσα τὸ πίστιν τὸ κινεῖν, εἰφ᾽ οὐκ ὠκοδόμητο οὐ σκηλιώσα καὶ πάντα τερόπου. πρῶτον μὲν οὖτις ὠμολόγησε Χειρὸν τὸν ψὸν τὸν Ιησὸν τὸν Σωτῆρα, οὐκούσεν οὖτε τούτη πέπεια τὸ ἀσφαλοῦς πίστεως ὠκοδόμησον τὸ σκηλιώσαν μου. Itemque princeps Apostolorum Petrus , qui Dominum aliquando negavit, qui quidem solidæ petræ instar nobis extitit,

cui velut fundamento Domini fides innititur,
supra quam Ecclesia modis omnibus extructa
est. in primis quidem quod Christum Dei vivi
filium esse confessus est, idque vicissim audiit:
Supra hanc solidæ fidei petram ædificabo Ec-
clesiam meam. Petrus dicitur petra θεμελιοθ-
ρα πίνακ. Quare intelligi non potest Pe-
trus sub ratione petræ & fundamenti nisi
quatenus conjungitur cum veræ fidei de
Christo professione.

Augustinus enarratione in psalmum
lxix. considerat Petrum ut petram con-
fessioni fidei conjunctam. *Petrus, qui pau-*
lò antè Christum confessus erat filium Dei, &
in illa confessione appellatus erat petra supra
quam fabricaretur Ecclesia &c.

Itaque eleganter Ambrosius in libro de
incarnatione cap. v. promissionem illam
factam Petro non de carne Petri, id est,
quatenus homo privatus erat, intelligen-
dam ait, sed de fide quam monitus à patre
publicavit, id est, de Petro conjuncto cum
confessione primæ illius & principalis pe-
træ. *Fides ergo est Ecclesiæ fundamentum. Non*
enim de carne Petri sed de fide dictum est quia
portæ mortis ei non prævalebunt; sed confessio
vincit infernum. Et hæc confessio non unam hære-
sim excludit. Nam cùm Ecclesia multis, tamquam
bona navis, fluctibus saepe tundatur, adversum
omnes hæreses debet valere Ecclesiæ fundamen-
tum.

XXXII. Conciliandi ergo patres cum iisdem patribus hæc est ratio, ut dixi, si discernamus Petrum hominem privatum à Petro instinctu numinis loquente. Hoc secundo modo acceptus, evadit beneficio Christi firmamentum fidei & confessionis fundamentum, ut loquitur Chrysostomus, cuius hæc sunt verba in homilia prima de decem milium debitore: πέτρος ὁ ἡ χρεός τὸ διπόλαιον φάμος, τὸ σώμα τὸ μαθητῶν, ὁ σύλος τὸ κλησίας, τὸ τερέωμα τὸ πίστεως, ὁ τὸ ὅμολογον θεμέλιος, ὁ τὸ οἰκουμένης αἷλιεὺς. Petrus chori Apostolorum princeps, os discipulorum, columna Ecclesiæ, firmamentum fidei, confessionis fundamentum, orbis terrarum piscator. Atque eo modo Ecclesia illi superaedificabitur, non ut homini, (quemadmodum docet alibi Chrysostomus sermone de Pentecoste) sed super fidei confessionem. *Quid est super petram? hoc est super confessionem.* Qui hos duos loquendi modos alibi una periodo complectitur & reducit ad concordiam, nempe homilia LV. ad caput XVI. Matthæi: *Tu es Petrus, et super hanc edificabo Ecclesiam meam.* τούτεσι, τῇ πίστει τὸ ὅμολογον, εὐτελέσιν δείχνυσι πολλοὺς μέλλοντας ἢδη πιστεῦσι, καὶ ἀνίσησιν αὐτῷ τὸ φεύγοντα, καὶ ποιμένα ποιεῖ, id est, fidem atque confessionem. *Hic aperit prædictum magnam eorum qui credituri et erant.*

& sunt multitudinem fore, & sublimiora facere ipsum facit, & Ecclesiae pastorem constituit. ac si diceret Petrum Christo & fidei à se professæ innixum, illius publicandæ in Ecclesia & pastorali regimine conservandæ principalem Christi ministrum futurum & gregis pastorem.

XXXIII. Quare plerique veterum compendio verborum, non solum confessionem fidei, sed Christum ipsum, qui petra dicitur, & à quo Petrus petræ nomen habuit, apud Matthæum significari docuerunt; ut Hieronymus libro adversus Iovinianum, libro I. in Matthæum cap. I. & in Isaiam cap. LIV. Augustinus tract. XXIV. in Ioannem, sermone tertio de verbis Domini. Quod non impedit quin sensu literali Petrus dictus fuerit petra; sed ostendit alio modo non esse petram nisi quatenus Christo à se confessio conjungitur, eumque pro primo fundamento supponit, à quo etiam nominis communicationem sumpsit. Petræ nomen utramque petram complectitur, Petrum quidem sensu literali directo, Christum autem excellentiore sensu & necessario. Vnde Petrus dictus est ab illa petra allegorica. Hieronymus libro tertio in Hieremiam cap. XVI. Non solum Christus petra, sed & Apostolo Petro donavit ut

K

vocaretur petra. In eandem sententiam pa-
sim patres, ut Tertullianus libro quarto
contra Marcionem, Ambrosius lib. vi.
in Lucam cap. ix. Augustinus in psal-
mum lv. & plures alii quos in re mani-
festa omitto.

Quoniam autem opponi solet Augusti-
nus, ac si generaliter receptam illam ex-
plicationem de Petro improbaret, addu-
cenda sunt illius verba ex libro primo re-
tractationum cap. xxii. *Dixi in quodam*
loco de Apostolo Petro quod in eo tamquam in
petra fundata sit Ecclesia. qui sensus etiam
cantatur ore multorum in versibus beatissimi
Ambrosii, ubi de gallo gallinaceo ait: Hoc
ipsa petra Ecclesiae canente culpam diluit. Sed
scio me postea saepissime sic exposuisse quod a
Domino dictum est, Tu es Petrus, & super
hanc petram aedificabo Ecclesiam meam, ut su-
per hanc petram intelligeretur quem confessus
est Petrus dicens, Tu es Christus filius Dei vi-
vi, ac si Petrus ab hac petra appellatus per-
sonam Ecclesiae figuraret, quae super hanc pe-
tram aedificatur, & accepit claves regni celo-
rum. Non enim dictum est illi, Tu es petra,
sed, Tu es Petrus. Petra autem erat Christus:
quem confessus Simon, sicut eum tota Ecclesia
confitetur, dictus est Petrus. Harum autem
duarum sententiarum quae sit probabilior, eli-
gat lector. Vides ut neutram rejiciat, at-

que in differenda ea quam secundo loco
secutus est ratio grammaticæ eum fefellerit, cùm petram aliquid esse à Petrō ex lingua Syriacæ ignoratione putaverit. Sed duæ istæ sententiæ re ipsa, ut dixi, in unam concurrunt & conspirant. Petra sensu literali & ab universalis Ecclesia probato Petrum significat; sensu conjuncto & sublimiori Christum ut primam petram, sine quo Petrus non potest intelligi esse petra. Conjunctio ista literalis sensus & excellentioris non est nova in scripturis, tum in psalmis, tum alibi. Eadem verba directè referuntur ad Davidem & ad Salomonem, & sensu sublimiori ad Christum. Sed in quæstione præsenti conjunctus ille sensus est necessarius ex connexione quoque grammatica rerum significatarum cum verbis. Petra enim significat Petrum quatenus recipit communionem nominis à Christo, ob petram illam principalem, promovente patre, fideliter celebratam. Petra ergo prima connectitur cum secunda. Vnde fit ut illa veræ fidei sit origo, ista ex Christi constituto eam ministerio suo fulcire debeat quam confessione promulgavit.

X X X I V. Quæ ut manifestiora fiant, necessum est ut hic explicemus quod veteri sacrilegum nefas objici solet, qua rati-

tione Petro competit ratio fundamenti;
I. Cor. 3. cùm Christus dicatur Apostolo esse so-
lum fundamentum præter quod aliud ne-
mo ponere potest. Sanè cùm Ecclesia
templo & ædificio comparetur, illius mo-
les non potest inniti nisi Christo, qui est
eius auctor & conservator; imò verò ut
perstemos in eadem comparatione, est
caput anguli, ut de se ipse loquitur Mat-
thæi xxi. id est juxta Paulum angularis
lapis, ἀκρογωνιαῖος λίθος, id est, lapis in an-
gulo ædificii positus, à quo angularia
structuræ initium ducunt, in quo est to-
ta vis sustinendi ædificii. Quare religio
Christianæ ejus personæ, meritis, & doc-
trinæ superstructa est. Attamen propaga-
ri debuit hominum ad hoc à Christo se-
lectorum ministerio. Illi autem aliquan-
do architecti dicuntur, atque adeo po-
nere Christum pro fundamento, ut Pau-
lus de se testatur ad Corinthios. Aliquan-
do verò ipsi quoque dicuntur fundamen-
ta, quoniam eorum ministerio compago
illius ædificii superponitur. Sic Paulus ad
Ephesios ait eos superædificatos fuisse su-
pra fundamentum Apostolorum, id est,
doctrinæ Christi per Apostolorum mi-
nisterium. Itaque cùm voces istæ per
translationem usurpentur, aliis aliter ap-
pellantur. Christus est fundamentum, sed

Ephes. 2.

Ephes. 2.

verè & propriè, & lapis angularis. Apostoli quoque sunt fundamenta ratione ministerii, dicto loco ad Ephesios & Apocalypsis xxii. Eadem ratione Petrus est fundamentum ratione ministerii, cum hoc tamen discrimine quod ipsius ore Christi hoc nomine fuerit ornatus, adscitusque in petræ communionem, adeoque sit specialius & principalius fundamentum in ratione ministerii quam sint reliqui Apostoli.

XXXV. Comparationem fundamenti, quatenus Christo conveniat & Petro, satis superque explicuimus in enarratione locorum quos è patribus protulimus. Illis tamen adjungemus testimonium illustre antiqui illius Asterii Amaseæ Episcopi oratione in Petrum & Paulum. Ησαΐας μ^η Pag. 127.
 οὐ φησὶ περιπτένων, δὲ πι λίθον ἀκρογωνιάσου δ^η Isai. 28. v.
 πατήρ ἔθυκε τὸν υἱόν. ἐνδεικνύμενος ὡς ή πᾶσα ἡ
 κόσμου σύστασις, ἐκεῖνο γέχει τὸν ἄδραν, τὸν κρηπίδα.
 δὲ μονογυνὴς πάλιν, καθὼς εἰναγγελίοις φησί, θε-
 μέλιον τὸν Πέτρον, ὄνομα γέζει τὸν οὐκκλησίαν. σὺ εἶ Matth. 16.
 Πέτρος, καὶ ἐπὶ ταύτῃ τῇ πέτρᾳ οἰκοδομήσω μου
 τὸν σύκλοισιαν. πρωτός γένης αλιθῶς οὗτος, ὥστε
 πελίθος μέγας καρπερὸς ἐνερρίφη τῇ ἡ κόσμου Psal. 83. v.
 πούτου κοιλότητι, ηδὲ τῇ κοιλαδὶ ἡ κλαυθμῶνος, 7.
 ὡς φησιν ὁ Δαβίδ· ἵνα πάντας Χειτιανοὺς ἐποι-
 κοδομουμένους βασάσας, αναγάγῃ περὶ τὸν θεόν, I. Cor. 3.
 δὲ τὸν ἐλπίδος ημέραν ἔστιν οἰκητήρεον. Θεμέλιον ἀλ-

v. 12.

u. 11.

K iij

λον οὐδεὶς δύναται φεῖναι, τοῦτον καίμενον, οὐδὲ
 Ιησοῦς Χειρός. τῇ ὄμοιᾳ ἡ χλιδή σει ὁ σωτὴρ ἡμῶν
 καὶ τὸν περιπτον αὐτοῦ μαθητὴν κατεκόσμησε, πέ-
 τεραι ἀγομάσσας τὸ πίστεως. διὰ Πέτρου τοίνυν, ἀπ-
 ποτον, καὶ ἀκλινὲς τὸ τῆς Σκιλησιῶν ἔδρασμα σύ-
 λεταί γυνήσιον, καὶ πιστὸν ψυχόμενον τὸ εὐστέβειας μη-
 δαγωγόν. διὰ τὸ ὄικοδομήν ἡ τὸ δικαίου ἐπίκαμψη
 ἐρρίζωμένοι, οἱ ἀπό τοῦ ἀνίχοντας ἥλιου, μέτρει καὶ
 δυομένου, Χειριανοί πολλῶν ἡ πειρασμῶν κατ-
 θέντων, αὐτὸς οὐ κατηγέλη τὸ ἐναγέλιον, καὶ μη-
 είων τυρφάνων. καὶ περὶ Σκένων, τῷ Διαβόλου κα-
 τεῖσαι θελίσαντος εἰς ἔδαφος, καὶ καθελεῖ ἡμᾶς
 αὐτοῖς κριππιδίμασιν οὐδὲν ἰχυεύτερν ὅφει
 καὶ Θεὸν ὁ χυρώματος ἐπειδὴ τὸ ἀγέλιον παλάμη
 τὸ πρώτου τὸ ἀπόστολον κατεπονεῖσθαι τὸ τὸ πί-
 στεως ὄικοδόμημα. Sanè verò Isaías vaticinio
 ait posuisse patrem filium lapidem angularem,
 nimirum significans mundi totam concretionem
 illo fundamento ac basi nixam esse. Quin et
 rursum unigenitus, uti sacris evangelii libris
 conscriptum est, Petrum Ecclesiae fundamentum
 dicit: Tu es Petrus, et super hanc petram
 aedificabo Ecclesiam meam. Primus enim re-
 vera hic, ceu grandis quidam ac durus lapis, in
 mundi hujus cava demissus est, sive in convallum
 plorationis, quemadmodum David ait, ut Chri-
 stianos omnes superaedificatos portans, in subli-
 me, nempe ad spei nostrae domicilium, subvehat.
 Fundamentum aliud nemo potest ponere præter
 id quod positum est, quod est Christus Iesus.

Sed & simili quoque Salvator noster appellazione primum suum discipulum honestandum duxit, nominans fidei petram. Per Petrum ergo, verum ac fidelem pietatis doctorem effectum, Ecclesiarum stabilis inflexaque firmitas consistit. Iusti porro ædificatione radicati stamus, qui ab ortu solis ad usque occasum sumus Christiani. Planè cum à tempore annuntiationis evangeliæ multæ increverint tentationes tyrannique nos innumerabiles, ac illis prior, diabolus, funditus destruere atque à fundamentis evertere conati sint, decurrerunt flumina velut torrentes, inquit salubris ac sacra scriptura, vehementes diabolicorum spirituum venti irruerunt, copiosæ ac immensi per sequentium Christianos imbræ impetu defluxerunt, nec quicquam tamen divino potentius visum est munimine, quod nimurum fidei ædificatio sacris primi Apostolorum manibus extructa esset.

XXXVI. De hac interpretatione, quæ Petrum petræ dictione significari ostendit, hæc sunt verba Antonii de Dominis: *Hanc itaque interpretationem petræ pro ipsomet Petro, ut fortasse literæ congruentem, admitto nunc & probbo, ita tamen ut duæ illæ sanctorum patrum interpretationes, quæ petræ vocabulo vel Christum intelligunt vel fidem & fidei divinitatis Christi confessionem, adhuc ut probabiles maneant, & nihil catholice Ecclesiæ contrariæ, licet hanc de Petri*

*Lib. I. c. 6.
§. 25.*

K iiij

persona illis probabiliorem esse concederemus.
Nos verò jam ostendimus duas istas ex-
plicandi rationes connecti & necessario
cohærere cum prima.

X X X V I I . Antequam discedam à
disceptatione hujus loci , opportunum vi-
detur his quæ jam adnotata sunt subjun-
gere genuinam hujus periochæ explica-
tionem : *Super hanc petram ædificabo Eccle-
siam meam , & portæ inferi non prævalebunt
adversus eam.* Certum quidem est primis
verbis significari evangelii ministerium
sive cathedram principaliter in Petro col-
locandam , & ultimis Ecclesiam non esse
vincendam ab hæresibus & schismatibus ;
quæ sunt præcipuae inferorum portæ , si-
ve aditus ad certam damnationem , cùm
hæretici sint ἀποκαλύπτοι , ut loquitur
Apostolus . Vnde sequitur infallibilem
esse Ecclesiam in oppugnandis hæresibus
earumque sacrilegis erroribus refellendis
& cum auctoritate plenissima atque cer-
tissima damnandis . Alioqui vinceretur ab
hæresibus contra diserta verba Christi ;
quorum explanationem videtur suscepisse
Paulus in epistola prima ad Timotheum
cap. IIII . *Quomodo oporteat te conversari in
domo Dei , quæ est Ecclesia Dei viventis ,
columna & firmamentum veritatis , qùlos ἡ
σπαλωμα τὸ αὐγεῖσα.* Ut singuli fideles sunt

templum sive domus Dei , sic templum quoque erit cœtus fidelium , qui dicitur Ecclesia Dei viventis : quæ quidem Ecclesia vice columnæ & basis sustentat veritatem ut partem superam ædificii. Etenim ab Ecclesia Christi veritas abesse non potest, nec à fidelium cordibus , nec ab ore pastorum , qui soli jus habent à Christo gentes docendi. Vniversi ergo primarii pastores verbis & re conjuncti , qui Ecclesiam universalem repræsentant in auctoritate magisterii , ab hæresibus expugnari non possunt , ea conditione adiæda quam exhibet hic locus evangelii, si sint ædificati supra petram , supra cathedram Petri. Portæ itaque inferi non prævalebunt adversus Ecclesiam Christi, ædificatam nempe supra petram. In communione ergo istius cathedræ & cum præcipua illius auctoritate & firmitate tractanda sunt illa omnia quæ Ecclesiæ unitatem aut retinere aut infringere possunt ; tuncque certæ atque omnino indubitatæ erunt rerum controversarum decisiones. Cujus rei exemplum habemus illustre in disputatione illa de ritibus legalibus , an scilicet gentiles recenter ad fidem conversi, eorum observationi subjiciendi essent. Quæ controversia Antiochia nata , à Christianis per Paulum &

Barnabam Hierosolyma delata est ad Petrum & Iacobum Apostolos ea in urbe degentes. Quid verò Petrus loci sui & officii memor tunc egerit docent Acta Conventum Apostolorum & Presbyterorum id est Episcoporum cogit, de negotio controverso relationem facit, primam sententiam dicit rem definiendo, ut solebat Imperator in senatu; quam Iacobus sequitur, exceptione aliqua addita; & de omnium suffragio decretum conditur ex sententia spiritus sancti mentes suffragatorum illustrantis. Illius quippe auxilia pastores non destituunt qui à petræ soliditate non recedunt, ut loquitur Leo primus.

X X X V I I I. Ex hac quam explicimus definitione manat alia non minus certa, nempe penes illas Ecclesias non esse indubitata spiritus sancti præsidia in dirimendis de fide controversiis quæ alienæ sunt à communione Petri. Propterea sequitur plurium Ecclesiarum infastam scissionem, quæ lugendo schismate vel impia hæresi corpus Ecclesiæ universalis dividit, non impedire quin illæ quæ super sunt, conjunctæ cum petra, corpus universum repræsentent, & absque suspicione erroris fidem tueri decretis suis una cum Petri cathedra firmiter & infallibil-

liter possint, cùm Ecclesia supra Petrum
ædificata promissionibus Christi nitatur
ad vincendas portas inferi.

DIATRIBA DE TEMPORE

*synodi Sirmiensis plenariae, & de Valentis
& Vrsacij venia.*

I. **D**ISSIDIUM sententiarum in con-
stituendo Sirmiensis synodi tem-
pore videtur aliquo pacto componi posse,
si recta Hilarij verbis interpretatio adhi-
beatur. Socrates ait diserte synodum il-
lam coactam fuisse post consulatum Sergii
& Nigriniani, quod anno CCCLI. com-
petit. Ejus testimonio fidem habet V. C.
Petavius in suis animadversionibus ad Epi-
phanium, & in dissertatione de damna-
tione Photini. Sed quia idem Socrates
Osij lapsus in hanc synodum Sirmensem
conjicit, lapsus autem ille & consensus
in Arianam impietatem ab eo sene post
ipsius ad civitatem Sirmensem relegatio-
nem, quæ anno CCCLVI. competit, ex-
pressus est Constantij artibus & minis, Ba-
ronius, Socrati hac in parte adhærendo,
à Socrate ipso discedendum putavit in
constitutione temporis hujus synodi. Eam
ergo collocat ad annum qui sequitur Osij

*Socrates libri
I. c. 24.*